

## *Александр Гинзбург*

### **ТАМ-ТАМ САДОЛАРИ**

**Икки бўлимдан иборат драматик достон**

Там-там — африкаликларнинг телеграф дўмбираси-дир. Унинг товуши Африкадаги турли қабилаларнинг тил талаффузига мос бўлиб, уларнинг ҳаммалари бу тилда бериладиган баёнотларни англайдилар. Ҳар бир қабилага тушунарли тилдан ташқари фақат дўмбирачиларгина англайдиган ҳалқаро тил бор. Бунда Африканинг ҳамма вилоятларидаги дўмбирачилар ўзаро сўзлашадир. Бизнинг замонамиизда там-там негрларнинг ўз озодликлари учун олиб борган курашларида-ги умумий қуролдир.

Тим қоронғуликда там-там садо беради. Саҳна олдидағи қора танли дўмбирачининг қиёфасини нур ёритиб турнди.

### **Дўмбирачи**

Эшитдингми? Гумбирлар там-там...  
Бир жим бўлар, гумбирлар яна.  
Бу — баҳтсизлик, йўқлик фарзанди —  
Там-там тили бўлиб қиласди даъват.  
Майсалар тутайди, йиғлар гўдаклар,  
Кулбалар ёнмоқда, ўлмакда она,  
Очлик ўзи қуруқ, қақшоқ қўлларин  
Қора дуд қоплаган кўкка чўзади.  
Эшитяпсанми бўғуқ зарбларни?  
Қоқ тупроқ юзини тутар томчилар,  
Қон ва қор, кўз ёши томчилари бу!..  
Эшитяпсанми ўлим, даҳшат товшини?  
АЗоб-уқубатда инграб тўлғонган

Бу — менинг Онамдир, менинг Африкам!  
Кора танли синглим, курашчи оғам!  
Ботқоқликлар бағрида йиғла,  
Йиғла, платина конлар қаърида,  
Тўқайликлар, ўрмонлар аро,  
Оқ танлилар учун дур излаб,  
Сен шўнгийсан океан тагига.  
Йиғла, қора танли, эй оғам!

Бўрон ўқиради. Денгиз узра қоя. Чеккасида аёл.  
Шамол унинг кўйлагини юлқилайди. Аёл гумбирлаётган  
қоронғулиқда олға интилган ҳолда тик турипти. Хо-  
тин-қизларнинг сўзсиз куйи. Кўйда умидсизлик ва  
чақириқ, ғазаб ва фифон мунги. Аёл тилга киради.  
Бу Неда эди.

### Неда

Денгиз!  
Денгиз нақ қутурган ҳўкиз сингари  
Кенг гавдасин уриб отар соҳилга.  
Гарданин кўтариб, кўпиклар сочиб,  
Увиллаб, тўлғониб қалқиб қайтади  
Ва тўлқин ёллари бўялар қонга!  
Кора шамол изғир қора тун ичра,  
Чақалоқлар йиғлар мудҳиш зулматда...  
Денгизнинг тубида инжу, дурдона  
Изловчи ўрликка шафқат йўқ зарра!

Хотин-қизларнинг куйини бўрон гувиллаши ютиб ке-  
тади. Бўрон фарёд чекади, чақиради, аёл қўлини  
денгизга чўзиб чақиради.

Неда. Ҳе. Бе. Бе. Си...  
Дўмбирачи. Кимни чақиряпсан, аёл?  
Неда. Наҳотки билмасанг?  
Дўмбирачи. Денгиздагилар озми?  
Неда. Мен биргинасини кутаман!

## (Бўрон ўкиради.)

Дўм бирачи. Юр, кетамиз, бўрон кучай-  
моқда.

Неда. Мен кетмайман.

Дўм бирачи. Юр дейман!

Неда. Кетавер, мен кутаман.

Дўм бирачи. Ҳа, сен кутавер, кутмоқ —  
эътиқод демакдир.

Яна хотин-қизлар куйи эшитилади. Қоя устида танҳо  
Неда мағрур тик турипти. Дўмбирачи там-там ча-  
лади, бу садога бўйсунгандай бўрон пасаяди. Тим  
қоронғулнкда ўчақда милтиллаб ёнаётган олов  
кўринади.

Кулба. Олов атрофида марварид изловчилар  
ўтиришибди.

## Биркўз (секин хиргойи қиласи).

Ёнгинангда мен борсам,  
Сен нима дейсан?

Ёнгинангда мен борсам,  
Отанг не деркан?

Дуэду (қулоқ солиб). Афтидан бунинг  
ниҳояси бўлмайди.

Акко. Бу ҳали-вери тугамайди.

Дуэду. Гувиллайди... ҳамон гувиллайди...

Акко. Паноҳи олий биздан ғазабга келди.  
Еру осмонни туманга ўраб чақмоқ билан ке-  
сиб ташлаяпти. (Ўзича ғўнғирлайди.) Э... ден-  
гиз қаърига ошён қуриб, ҳамма нарсадан во-  
қиф яшовчи Нган, бизларга раҳминг келсин!

Дуэду. Бу ҳеч қачон тугамайди.

Акко. Бизларга ўзингнинг раҳминг кел-  
син!

(Шамол увиллайди. Сукут.)

Биркүз (куйлади).

Қумғонингни мен олсам,  
Сен нима дейсан?

Қумғонингни мен олсам,  
Отанг не деркан?

Дуэду. Нафасингни ўчир! (Ҳамма қулоқ солади. Шамол чийиллайди, тўлқинлар қирғоққа урилади.)

Биркүз (яна куйлади).

Кўкрагингга қўл солдим,  
Сен нима дейсан?

Кўкрагингга қўл солдим,  
Отанг не деркан?

Акко. Э, ҳар сирдан воқиф паноҳи олий, бизларга шафқат қил!

Дуэду. Э, лаънати бўрон!

Акко. Ўзингнинг раҳминг келсин!

Дуэду. Минг лаънат бундай тирикчиликка! Минг лаънат бундай қашшоқликка.

Акко. Қашшоқлик. Қашшоқлик...

Дуэду

Наҳанглар қанот-ла кесар тўлқинни—шўнгий-  
миз бизлар,  
Тиш билан қиймаланг бизнинг танларни—  
шўнгиймиз бизлар.  
Бўғилиб қоламиз денгиз тубида — шўнгиймиз  
ҳамон.  
Суяклар синади тош тўлқинида — шўнгиймиз  
ҳамон.

Акко. Фақирлик... муҳтоҗлиқ... мен бу аblaҳни яхши танийман. Тупроқ узра санқиб юрадиган бу аblaҳ қашшоқликдан ҳеч кимга омонлик йўқ. Мен сенга айтсам, қашшоқлик малъун жодугар, малъун очофат, ҳайвон, фақирлик, иблис, қашшоқлик! У очликдан ўлдиради, ақлдан оздиради, қотил қилади. Биласанми, унинг увадалари ичига пичоқлар яширинган. Номинг ўчсин, қашшоқлик! Туф! Сен лаънатини ўйласа кишининг кўнгли гумиради. (Жимлик. Яна ҳамма қулоқ солади. Биркўз секин куйлади.)

### Биркўз

Қалбинг урар қандай дард билан,—  
мён билиб олсам,

Сен нима дейсан?

Қалбинг урар қандай дард билан —

мен билиб олсам,  
Отанг не деркан?

Дуэду. Бўрон келаётгани аён эди-ку, нега энди уларни юборди?

Акко. Бир занги ортиғу, бири кам, уларга нима!

Биркўз (*хўрсишиб*). Ҳа, уларга нима ғам!

Акко. Қора танлиларга завол келяпти. Чигирткани ҳеч кўрганмисан? У ҳамма нарсани кемириб қуритади. Булар ҳам айнан шундай. Африкага оқ танлилар чигирткадай ёпирилди. Нега учиб кетмайди дейсанми? У бўкиб қолди. Қорнини кўтаролмаяпти, учолмайди. Яна оч қолганларида бошқа ерга учишади. У ерда ҳамма нарсага ғорат келтиради.

Дуэду. Ҳа, ҳамма нарсани ютади, у юҳоқ.

Қаттиқ шамол ёриб киради. Қичқириқ. Ҳамма қулоқ солади. Эшик очилади. Чақмоқнинг қоронғиликни кесган тили ярқирайди. Биркўз эшикка отилади. У ердан Неданинг: «Йўқол, менинг ўзим!» деган овози эшиллади. Неда кулбага ҳушидан кетган Небуни судраб киради. Ҳамма сукутда уларни қуршаб олади.

Акко. У... ёлғиз эдими?

Неда (зўрга). Қўлида, танасини тўлқин тошларга ураётганини кўриб ўзимни отдим.

Тим қоронғиликдан дўм бирачи пайдо бўлади.

Дўм бирачи.

Қуйида, тубанда. Мудҳиш қаърда  
Тўлқинлар қутуриб ўрлаган тубда  
Тўлқин қояларга уради уни.  
Азиз кишимизнинг севимли танин  
Оғушига олмоқ бўларди гирдоб...  
Аёл ўзни тўлқин қўйнига отди.  
Ана, унинг бўйни, ана қўллари,  
Яраланган танин тортар куч билан.  
Ҳамон тортар, тортар танин қирғоқقا,  
Фақат жингиллайди билакузуклар  
Ва инграйди қирғоқ!  
О, аёл, сен шундай севишга қодир!

Жимлик. Биркўз Недадан кўз узмай тикилади.

Биркўз (шавқ-завқ билан). Эҳ, Неда!  
Неда. Нима дединг?  
Биркўз. Ҳеч нима!  
Неда. Нега тикиласан?  
Биркўз. Мумкинмасми?  
Неда. Нима мумкинмас?  
Биркўз. Қараш?

Н е д а. Мени энди кўряпсанми?  
Б и р к ў з. Кўрганман... (жимлик).  
Д у э д у. У ёлғизми?

Н е д а бошини қути солиб жим ўтирипти.

А к к о. Ҳамма сир-асрордан воқиф Олий-  
зон, ўзингнинг раҳминг келсин!

Д у э д у. Бу нима? (*Небунинг беҳуш гав-  
даси устига эгилади.*)

Н е д а. Кафтини очолмадим.

Д у э д у Небунинг қаттиқ муштланган панжасини  
ёзади.

Д у э д у. Чиганоқ.

А к к о. Оч уни.

Д у э д у чиганоқни пичоқ билан очади... Унинг кафти-  
да ажаб рангда дурдона жилваланади.

Йирик экан.

Д у э д у. Чагалайнинг тухумидай бор.

Б и р к ў з. Шу битта дурдонаси билан ҳам-  
ма нарсага эга бўлиши мумкин.

Н е д а. Ниҳоятда гўзал.

Н е б у қаттиқ ингроқ аралаш кўзини очади, зўр-ба-  
зўр ўрнидан туради. Бир қўли билан Неда елкасига  
таяниб, бир қўлинни Дуэдуга чўзади. Дуэду унинг  
кафтига дурдонани солади. Небу дурдонага узоқ  
тиклиб қолади.

Н е б у (*секин ва осойишта*). Мен буни  
тошларнинг орасидан топиб олдим.

А к к о. Жуда йирик экан.

Н е б у. Денгиз қаърида... тик қиррали  
катта тошлар ортасида ётган экан.

Дуэду. Мен ҳали бундақангисини кўрган  
эмасман.

Небу. Ўзи ҳам битта экан.

Биркўз. Бунга ҳамма нарсани сотиб  
олиш мумкин.

Небу. У чиғаноқ орасида ярқираб ётгани-  
ни ўша ерда, денгиз тубидаёқ кўрдим.

Неда. Жуда ҳам чиройли, Небу.

Небу. Мен матропни шундай ташлаган  
эдим, бошқа чиғаноқлар...

Акко. Жуда йирик...

Дуэду. Чагалоқнинг тухумидай бор.

Небу. Ўлжам билан тўлқинлар босиб  
кетди мени. Денгиз ўз дурдонасини мендан  
тортиб олмоқчи бўлди... Кейин нима бўлгани-  
ни билмайман.

Неда. Худди ойга ўхшаб, кумуш ранг со-  
чади. Лекин жуда хавфли.

Небу. У — меники!

Биркўз секин ўзини ташқарига уради. Унинг ғойиб  
бўлганини ҳеч ким пайқамайди.

Небу. Мен энди бадавлат кишиман!

Акко. Энди нима қилмоқчисан?

Небу. Мен бадавлатман. Милтиқ сотиб  
оламан.

Акко. Кейин?

Небу. Недага, худди оқ танли аёлларни-  
ки сингари лиboslar олиб бераман. Кейин...  
кейин албатта, ўзимга милтиқ оламан.

Акко. Бу дурдона сеники эмаслигини  
унутдинг.

Небу (*даҳшатда*). Нима?!

Дуэду. У хўжайниники эканини унутдинг,  
чоғи.

Небу. Йўқ! Дурдона меники.

Дуэду. Хўжайин бари бир уни сендан тортиб олади.

Небу. Йўқ! Уни мен топганман. Ёлғиз ўзим топганман. У ердан бир мен омон келдим. Мени тангри ярлақади. Бошқа ҳеч ким омон қайтмади у ердан, ўша қайтмаганлар қони эвазига денгиз буни менга инъом қилди!

Дуэду. Уларга бари бир. Улар йўқ энди.

Небу (*пичирлаб*). Улар йўқ энди...

Секин, узоқ ерда там-там тақиллайди... Унинг овози тобора кучая боради. Небунинг кўксидан фифон кўтарилади, инграйди.

Ой-э-э, хийлла-аэ--э-э аао  
Улар қайтиб келмас. Йўқ улар.  
Руҳин саломат қил, э тангрим!  
Туя бардошини ато қил менга,  
Фалокат босса ҳам тўкмайин кўз ёш.  
Арслон овозини ато қил менга,  
Унинг жасорати элтсин муродга,  
О, тангрим, сен узун пичноқ бер бизга.  
Узун пичноқ даркор олмоқ-чун қасос...  
Ойи, хийло о-о-э-э-э-э О-о о...

Ҳаракат ортиб, рақсга айланади. Маросимий рақсга бошқалар ҳам қўшилади. Ихчам гавдали, қора танли кишиларнинг рақси тобора авжга кўтарилади. Там-там жаранглайди. Эшик очилиши билан там-там жаранги ва рақс бирдан тўхтайди. Эшик олдида — х ўжайин. Унинг орқасидан илондай жилпанглаб Бирк ўз сирғилади. Ҳамма даҳшатли сукутда. Небу сакрашга ҳозирлангандай букчаяди.

Х ўжайин. На хушхабар?

Акко. Ҳеч ким қайтиб келмади, соҳиб. Биргина у... (*Небу томонга ишора қиласди*).

Хўжайин. Биламан... (*Жимлик. Хўжайин осойишта Небуга қўл чўзади.*) Хўш? (*Небу жим.*) Мендан яширмоқчи бўлганмидинг? (*Небу жим.*) Узоқ кутаманими? (*Небу жим.*) У меники.

Небу. Йўқ!

Хўжайин. Сен яхши биласанки, у меники...

Небу. Йўқ, меники!

Хўжайин. Ўғри!

Небу. Йўқ, бу ўзимники.

Хўжайин. Ҳали шундайми!..

Тўппончани қинидан чиқаради. Тўсатдан Небу қичқириб юборади, ҳаракати кескин... Үнг қўлида нимадир ярқираб кетади... Эшикда, хўжайнинг боши ёнига пичноқ санчилади.

Шундайми? (*Шошилмай Небуни нишонга олади. Бир сакраб Неда Небу ёнига ўтади.*)

Нари тур, қиз!

Неда. Йўқ! (*Гавдаси билан Небуни тўсади.*)

Небу (*қизни четлатади*). Қоч, Неда.

Неда. Йўқ, йўқ!

Хўжайин. Нари тур!

Неда. Йўқ, соҳиб, йўқ!

Небу. Қоч дейман! (*Қизни итариб ташлайди. Қиз деворга урилиб ийқилади.*)

Хўжайин. Дурдонани ҳозироқ менга бермасанг, қизни отиб ташлайман. (*Ҳамон тўппончани қизга ўқталиб турити. Небу бир неча дақиқали ўз-ўзи билан курашдан сўнг дурдонани хўжайнинг узатади. Неда қичқириб юборади.*) Олинглар дурни! (*Ҳеч ким жойидан қимирламайди.*) Олинглар, деяпман сиз-

ларга! (Ҳамма жим, беҳаракат. Ҳўжайин Биркўзга ишора қиласди.) Сен ол! (Биркўз қўрқув ичиди Небуга яқинлашади. Унинг кафтидан дурдонани олиб, ҳўжайин олдига боради.) Боракалло! Сол қинга. (Биркўз дурдонани тўппонча қинига солади.) Энди боғланглар уни! (Дуэдуга тўппончани тўғрилади.) Сенга айтаяпман (Дуэду жим). Хўш! (Дуэду жим қимирламайди. Ҳўжайин тўппончани Аккога йўллади.) Хўш! (Акко қимирламайди.) Эҳ... Иблис!.. Бўлмаса сен боғла, эшигдингми, сенга айтаяпман! (Биркўз ҳўжайиндан кўзини узмай Небуга яқинлашади. (Ҳўжайин камарини ечиб Биркўзга ташлайди.) Боғла! Қаттиқроқ! Боракалло... қани, чуқурга йўл ол. (Небу қимир этмайди.) Хуш келмайдими? Захми у ер? Тумов бўлиб қоласанми? Шалаббо бўлиб кетасанми, ҳечқиси йўқ! Полиция михлаб қўйса қуриб қоласан. Жўна!

Небуни кулбадан итариб чиқаради. Неда унинг орқасидан ташланади.

Н е д а . А з и з и м , Н е б у !  
Х ў ж а й и н (*Недага*). Қечроқ бориб, менга ўрин сол!

Кетади. Эшик қаттиқ ёпилади. Узоқдан гулдирак ва тўлқиннинг гувиллаши эшитилади. Эшик олдига йиқилган Неда йиглайди. Ҳамма сукутда, бош эгади. Қиз ўриидан туради, Биркўзга ғазаб билан тикилганча тикка унинг олдига боради. Биркўз тисарилади. Улар саҳна олдигача суриладилар. Акко ва Дуэду улар орқасидан юрадилар.  
Саҳна олди.

Б и р к ў з . Менга нега бундай қарайсан?  
(*Неда ундан кўзини узмайди.*)

Нега тикиласан? (*Неда жим.*) Мени энди кўраяпсанми? (*Неда жим.*) Сенга нима керак ахир? (*Неда жим.*) Тикилма менга, эшитдингми? (*Неда жим.*) Ўқрайма!

Н е д а . Кўзлари заҳарли илоннинг қўзига ўхшайди.

Неда кескин бурилиб, қоронғилик ичига кириб ғойиб  
бўлади  
Ҳамма сукутда.

. Б и р к ё з . (*Ҳамма сукутда. Аккога мурожсаат қиласди*). Мен шундай қилишга мажбур эдим.

(*Акко жим. Биркўз Дузэдуга дейди.*)

Мен шундай қилишим керак эди. Небу -- ўғри. (*Дузэду жим.*) Ҳа, ҳа! Небу ўғри. Дурдана хўжайниникими, ёйўқми?

(*Ҳамма сукутда.*)

Небу пичноқни отмаслиги керак эди... Тўғрими?

(У *Аккога ўғирилади. Акко жим.*)

Сен ҳозир: «Небу довюрак жангчи!» дейсан. Сен ҳозир: «У, денгиздан қайтиб келмаганлар учун қасос олмоқчи эди!» дейсан. Биламан! Нима бўлганда ҳам у пичноқ отмаслиги керак эди. Энди у чуқурда чирийди... (*бақиради*). Мен чиришини хоҳламайман. Биласанми, истамайман. Таңгрим қора танлиларни оқлардан қўрқадиган қилиб яратган. Ҳаммамиз қўрқамиз! Биласанми, қўрқамиз. Қўрқамиз! Сўйлоқ тишинг бўлмаса йўлбарслигиндан ниша фойда!

Бойқуш иоласи ва тўлқинга тўлиқ тун. Узоқдан тамтамнинг серташвиш садоси эшитилади.

Бунгало. Гамакда хўжайин ётипти. Хузырида Биркўз. (*Хўжайин билан Биркўз дурданни томоша қиласидилар*).

Хўжайин. Ноёб.

Биркўз. Бунга ҳамма нарсани сотиб олиш мумкин, соҳиб. Бунақасини ҳали кўрган эмасман...

Там-там садо беради. Хўжайин ва Биркўз қулоқ соладилар.

Хўжайин. Ер ютсин у дўмбиralарини.

Биркўз (*қўрқуведа*.) Жуда яқинда чалишяпти дўмбирани.

Хўжайин. Ҳа, жуда яқин... эшитяпсанми?

Биркўз. Эшитяпман, соҳиб, эшитяпман.

Хўжайин. Бу ногоралар нима деяётганига тушунасанми?

Биркўз. Йўқ, соҳиб... Ногора тилини факт ногорачи билади.

Хўжайин. Ана. Яна садо беряпти. Эшитяпсанми!

Биркўз. Бирон нарса ҳақида тил биринтиришяпти.

Хўжайин. Тил биринтиришяпти? Нима ҳақида? Эҳтимол биларсан, а? Мени алдамоқчисан!

Биркўз. Қўйинг, соҳиб. Сизни алдашга менда журъат қайдা.

Хўжайин (*Биркўзни дикқат билан кузатиб*). Сенларни билиб бўладими? Сиз қора ялоқлар ҳаммангиз бир гўр. (*Дурданани завқ билан томоша қиласи*.) Эртага буни Арунга олиб борсам бас... Лаънатилар яна тақирилаяптилар дўмбирани.

Биркўз. Бу дўмбирачилар, соҳиб, ҳамма нарсани элдан олдин биладилар.

Хўжайин. Шундай дегин? Эҳтимол,  
дурдана ҳақида ҳам билишар.

Биркўз. Эҳтимол, соҳиб.

Хўжайин. Ҳа... Эртага албатта Арунга  
олиб бораман.

Там-там аниқроқ эшитила боради. Хўжайнин бармоқла-  
ри билан қулоқларини беркитади.

Эшитишга тоқат йўқ! (*Жимлик. Фақат там-там эшитилади.*) Сен бўлсанг...

Биркўз. Безгагим.

Хўжайин. ...Тўнғиз!

Биркўз. Безгагим қийнаяпти.

Хўжайин. Сен — ифлос тўнғизсан.

Биркўз. Ёмон қақшатяпти.

Хўжайин. Қора ялоқларингни қутурти-  
риб юбординг.

Биркўз. Ёмон қақшатяпти,вой...

Хўжайин. Сени аллақачон ҳайдаб юбо-  
ришим керак эдику-я!.. (*Жимлик. Хўжайнин қу-  
лоқларини очиб тинглайди: там-там товуш-  
лари тинмоқда.*) Мен сени аллақачон ҳай-  
дашим керак эди.

Биркўз. Сабаб, соҳиб?

Хўжайин. Қора ялоқларингни ҳаддан  
ошириб юбординг... Мен сенга нима учун пул  
тўлайман? Дарвоқе, сендан нега сўраб ўтириб-  
ман? Сен ҳам ўша тўнғизларнинг бирисан-да.

Биркўз. Айб менда эмас, соҳиб... Улар-  
дан қўрқаман.

Хўжайин. Нафасингни ўчир! Ичиб юма-  
лаб ётишни биласан... Қуй менга ана шу ши-  
шадагисидан. (*Биркўз қуяди ва уни хушома-  
дона хўжайнинг тутади.*) Бекор сўзиингга ки-  
рибман. (*Бир-икки ҳўплайди.*) Уларни бекор-

га юборибман, барометр бўрон кўтарилишини  
кўрсатиб турган эди-ку.

Биркўз. Юбормасангиз бу дурдона қа-  
ёқда эди, соҳиб?

Хўжайин. Бошқа куни топишарди...

Биркўз. Тополмасликлари ҳам эҳтимол.

Хўжайин. Эҳтимол топмасдилар... Тасо-  
диф! Бугун ҳам тополмасликлари мумкин эди.

Биркўз. Бу негрни гирдоб денгизнинг  
қаърига тортиб кетган. Бундай чуқурликка  
ҳали ҳеч ким шўнғимаган.

Хўжайин. Эҳтимол... Эҳтимол... Аммо  
дурдона менга жуда қимматга тушади. Тўрт  
кишини денгиз ютиб кетди. Тўрт киши! Фаро-  
сатинг етадими? Энди бошинингга яна не фало-  
кат келишини кутиб ўтиришади!

Биркўз. Улар мени ўлдиришаёзди, со-  
ҳиб!

Хўжайин. Афсуски, ўлдиришмапти (*и ча-  
ди*). Ўшандай йигит менга пичоқ отди-я, дурдо-  
нани бергиси йўқ эди... Нима дединг?

Биркўз жим.

Нима, иотўғрими? Биламан, сен қиз йўри-  
ғидан шундай қилди, деб ўйлайсан. Бўлмаган  
гап. У дурдонани бергиси келмади ва ҳалок  
бўлган дўстлари учун қасос олмоқчи бўлди.  
Афсуски, қиз учун қасос олишга ҳали унда  
асос йўқ. Афсус... Минг афсуски, асос йўқ,  
афсус. Қуй шишадагидан... Ҳа, сенга нима  
бало бўлди?

Биркўз. Безгак қақшатяпти...

Хўжайин.. Ҳа, майли, ўзингга ҳам қуя  
қол. (*Биркўз ўзига қуяди.*) Сен қизнинг кўк-  
сига назар солдингми... Офатижон-а? Ҳа...  
йигит мени ўлдираёзди... Ўлдириши мумкин

эди. Ҳаммасига сен сабаб! Сен бу қора ялоқларини ҳадда ошириб юбординг.

Ичади. Там-там қаттиқроқ тарақлади. Қулоқ солади.

Яна тақирлатяпти. Тўрт марварид тутувчининг ҳалок бўлганидан хабар топганга ўхшайди у, аплаҳлар... (*Жим тинглайди*.) Ўз шерикларини озод қилиш учун чуқур устидаги тўшамани бузмоқчи ҳам бўлаётгандирлар... а? Бўлиши мумкин! Сен эҳтиётини қилиб қўйдингми?

Бир кўз. Тепасида Сем милтиқ ушлаб ўтирипти-ку.

Хўжайин. Милтиқли Сем... Милтиқли Сем, дейсан... Сем милтиғи билан ҳам ҳеч нарса қилолмайди. Қора ялоқлар жуда қутуриб кетишган, бир милтиқли Семнинг кучи нимага етади? Бир қишлоқда ўнтасини харига михлаб қўядиган вақтлар ўтиб кетди. Ўшандай қилса мулла бўлиб қолишардику-я! Аммо ҳозир замони эмас. XX асрда яшаяпмиз. Кўнглимиз тусаганини қиласидиган замон эмас. Энди биз маданиятли кишилармиз, ҳамма нарсани қонун йўли билан бажарамиз.

Бир кўз. Тушунмадим, соҳиб?

Хўжайин. Отни эгарла, Арунгага шошил! Қора танли йигит менин ўлдирмоқчи бўлганини полицияга етказ, яна шуни ҳам айтки, қора ялоқлар қутуриб кетишинбди, тинмай лаънати там-тамларини тарақлатадилар. Улар бир кор-ҳолни бошламоқчилар... Эгарла отни, жўна!..

Бир кўз. Ҳозир, соҳиб!

Хўжайин. Ҳозироқ жўна! Акс ҳолда гафлатда қоламиз. Уқдингми? Милтиқли Сем

бу ерда бўлса ҳам бари бир тезроқ қайт...  
Тезроқ полицияни бошлаб кел!..

Биркүз. Хўп бўлади, соҳиб!

Там-там шиддатлироқ садо беради. Хўжайин асабий юради. Чироқнинг пилигини баландроқ кўтаради. От туёги товуши эшитилади. У ҳамон узоқлашади. Там-там ҳам тинади. Ваҳимали сокинлик. Хўжайин тик туриб нимагадир қулоқ солади... Кескин бурилади.

Хўжайн. Ким?!

Коронгиликдан нозик қоядай Неда чиқиб келади.

Неда. Мен, соҳиб!

Хўжайн. Сенми... (*енгил нафас олади*).  
Ишинг бормиди?

Неда. Келиб ўрнимни тўшаб бер дедин-  
гиз.

Хўжайн. Ҳа... тўшаб қўй.

Неда гамакка йўл олади.

Тўхта, аввал эшикни ёп. (*Неда эшик томон юради*.) Эшикда ким бор?

Неда. Ҳеч ким соҳиб.

Хўжайн. Ёп эшикни.

Неда. Ёпдим, соҳиб.

Хўжайн. Тамбала.

Неда. Тамбаладим, соҳиб.

Хўжайин эшикка яқинлашади, қулоқ солади, кейин қиз ёнига келади.

Хўжайн. Йигитинг чуқурдами?

Неда. Чуқурда, соҳиб.

Хўжайн. Ўша учун мендан хафа бўл-  
мадингми?

Неда. Йўқ, соҳиб.

Хўжайн. У дурдонани мендан яшири-  
ди... Мени ўлдирмоқчи бўлди... (*Неда сукут-*

*да.)* У ёмон йигит. (*Неда сукутда.*) Жуда ёмон йигит, уқдингми?

Неда. Уқдим, соҳиб.

Хўжайин. Сен уни севасанми?

Неда. Йўқ, соҳиб.

Хўжайин. Сен яхши қизсан. Нега мендан қўрқасан? Қочганинг қочган.

Неда. Билмадим, соҳиб.

Хўжайин. Мендан сира қўрқма, яхши қиз. Сўзимга кирсанг чиройли қўйлаклар олиб бераман, хоҳлайсанми? Сенинг ҳам чиройли қўйлаклар кийгинг келадими? (*Неда жим.*) Бор, бор, ўрин сол. (*Неда гамакка йўл олади. Хўжайин шишани олиб стаканга қуяди.*) Бунча ивирсидинг.

Неда. Ўрин соляпман.

Хўжайин. Бери кел!

Неда келади. Хўжайин сишовчан кўзларини ундан узмай стакан узатади.

Ич!

Неда. Ичмаганман, соҳиб.

Хўжайин. Ич!

Қизининг соchlарини гижимлаб, бошини орқага тортади, кўзларига тикилиб, иккинчи қўли билан стаканий унинг оғзига тутади.

Ич! (*Неда ичади. Хўжайин стакани ерга улоқтиради.*) Соchlаринг ипакдай мулойим... Оқ аёлларникига ўхшайди... Мунча лабларинг чиройли! (*Ўтмоқчи бўлади. Неда унинг қўлидан қутулиб чиқади.*) Сен менинг сўзимга киришинг керак. Бери кел! (*Неда қимирламайди.*) Эшитмадингми? (*Неда бирдан қаттиқ кула бошлидиди.*) Нимага куляпсан?

Неда. Айланяпти... Ҳамма нарса айланяпти! Мен мастманми?

**Хўжайин. Жуда соз. Кел менинг олдимга!**

Бирдан бир қарорга келгандай Неда кескин хўжайин олдига келади. Хўжайин қучоқлайди.

**Сен ҳам... сен ҳам қучоқла мени.**

Неда қучоқлайди... Бир неча дақиқа шу суратда турадилар... Кейин Неданинг қўли хўжайин ёнбошидан пастига сирғала бошлайди... Қўли хўжайнинг кисасида.. Калитни маҳкам ушлаб турипти. Хўжайин қимир этмай сўзлайди.

**Кўй жойига... (Неданинг қўли гўё шол бўлиб қолгандаи.)** Кўй жойига деяпман, қулоғинг борми?

Неда унинг қучогидан чиқишига нитилади, лекин хўжайин маҳкам қучоқлаб туриб, сўзида давом этади.

Демак, сенга чуқурнинг калити керак бўлгани экан-да? Мен дурдона учун келдинг деб ўйлабман. (*Мулойим.*) Қанжиқ... Қора қанжиқ... Сизларнинг ҳаммангиз бир гўр! Кўй калитни, қанжиқ!

**Неда. Асло!**

**Хўжайин. Лаънати, қора қанжиқ!**

Тўсатдан орқага тисарилиб, қизнинг юзларига шапалоқ солади, Неда инграб ийқилиб, ҳолсиз ётади. Хўжайин қиздан кўзини узмайди. Бориб чироқни ўчиради. Сим-сиёҳлик. Неданинг чинқирифи. Нимадир синади... Жимлик... Ойнинг кумуш нури ерга тўкила бошлайди... Гамак ёнида хўжайнинг чалқанча ётган гавдаси. Унинг устига қўлида пичоқ билан Небу эгилган... Нарироқда Неда қотиб турипти. Уларнинг кўзлари жасадга тикилган. Небу аста қаддини ростлайди... Муштини ёзди: кафтида дурдона хира жилвалинади. Йигит билан қиз бир-бирига тикиладилар... Саҳна олдига ўтиб тўхтайдилар. Уларга Акко билан Дуэду келиб қўшилади. Улар жимгина йигит билац қизга кўз тикадилар.

**Саҳна олди.**

**Небу (секин).** Үлди. (*Жимлик.*) Нега сен унинг олдига келдинг? (*Неда жим.*) Нега унинг олдига келдинг? (*Неда калитни тушириб юборади. Калит оғир тақирлаб ерга тушади. Небу калитни ердан олади.*) Калит учун келганмидинг?

**Неда (бошини қуий эгиб, секин.)** Ҳа...

Сукунат. Небу кўз узмай қизга қарайди.

**Небу.** Сен жасоратли қизсан, Неда...

**Неда.** Асло...

**Небу.** Сен жасоратли қизсан. (*Акко билан Дуэдуни кўрсатиб.*) Булар милтиқли Семини боғлашибти, кейин тўшамани кўтарганларида мен сенинг чинқирганингни эшитиб қолдим. Кейин мен уни ўлдиридим...

Ҳамма жим.

**Акко.** Энди нима қилмоқчисан, Небу?

**Небу.** Билмайман.

**Акко.** Энди икки қатла жинояткорсан: биринчидан, дурдонани ўзингники қилдинг. Иккинчидан — оқ танлинни ўлдиридинг.

**Небу.** Ҳм.

**Акко.** Шу тифайли икки қатла танангни харига тортадилар.

**Небу.** Нима қилишим керак?

**Акко.** Қочиб кет!

**Дуэду.** Юр, биз билан, Небу, ҳозир ҳамма қора танлилар бир ёқадан бош чиқарадиган вақт келди.

**Небу.** Менга нима? Ўзим биламан! Менинг дурдонам бор! Менга ҳеч ким керак эмас!

**Акко.** Биз билан бўл, юр, Небу!

**Небу.** Йўқ! Менга ҳеч ким керакмас. Менинг дурдонам бор, бўлди.

Дуэду. Эҳтиёт бўл, яна дурдонанг бошингга етмасин, Небу!

Небу. Етмайди. Мен бадавлат бўлиб кетаман. Неда билан қишлоғимизга кетамиз. Уерда ҳеч ким тополмайди бизни... Бир оз вақт ўтгач, дурдонани сотаман, энг бой киши бўламан.

Акко. Охирги марта сўраяпман сендан — юр биз билан!

Небу. Йўқ!

Дуэду. Бу қилмишингдан ўзинг пушаймон бўласан, яхши қол!

Акко. Хайр!

Небу. Хайр! Қирғоқ ёқалаб кетинглар.

Акко. Хўп.

Кетишади.

Небу. (*худди энди кўраётгандай Недагатикилади*). Сен жасоратли қизсан, Неда...

Қиз бирдан йигитнинг пинжига киради.

Неда. Қўрқиб кетяпман!

Небу. Жим бўл!

Улар қулоқ соладилар. Узоқдан итларнинг вовуллагани ва от туёғи товуши эшитилади. Дўмбирачи пайдо бўлади. У саҳнанинг бошқа томонига ўтади.

Дўмбирачи. Ҳой, бунча имиллайсизлар.  
Неда. Нима бўлди?

Дўмбирачи. Келишяпти. Гапимга қулоқ сол, дўмбирачининг ўғли, ҳозир қочишинг керак. Там-там садолари сенга раҳнамо бўлади. Сен унинг тилини биласан, сен дўмбирачи ўғлисан, Небу!

Небу. Ҳа, мен там-тамнинг тилига тушунман, исгаки, мен дўмбирачи фарзанди Небуман.

Дўмбирачи. Ундаи бўлса жўнанглар.  
Неда. Ҳа... қочиш керак!..

Дўмбирачи. Зудлик билан! Улар яқинлашиб қолнишди.

Фойиб бўлади.

Небу. Жим!

Яқинлашиб келаётган ит акиллаши ва от түсгига донг  
қотиб даҳшат ичидагулоқ солишади.

Небу. Ўтиб кетишди.

Неда. Ҳа...

Небу. У томонга ўтишди.

Неда. Мен жуда қўрқиб кетяпман.

Небу. Узоқлашишди, қўрқма.

Неда. Ҳа, узоқлашишди.

Небу. Юр энди, уйга етиб олишимиз керак.

Неда. Йўқ.

Небу. Нима учун?

Неда. Изимиздан боришиади.

Небу. Тўғри айтасан...

Неда. Улар орқамиздан қишлоққа ҳам боришлиари мумкин.

Небу. Боришилари мумкин.

Неда. Уларни чалғитмоқ керак.

Небу. Қандай қилиб?

Неда. Сен бир ўзинг кетасан.

Небу. Сен-чи?

Неда. Мен у томонга кетаман. (*Кўли билан кўрсатади.*) Улар менинг изимиздан боришиади. Шундай қиламан. (*Жимлик.*) Сенинг олдингга етиб бораман. Албатта, бирга бўламиз. (*Небу жим.*) Бу кунлар ўтиб кетади, Небу, албатта бирга бўламиз. Мен сенга яхши, бафодор хотин бўламан. Бер менга дурдонани!

(Небу иккиланади.) Бер-а, менда бўлса уни  
ҳеч ким тополмайди. (Небу дурданани бера-  
ди. Неда уни кўксига яширади.) Мен кетдим.

Узоқда ит акиллайди.

Небу. Яхши бор!

Неда. Яхши қол, Небу.

Кетади. Небу қиз орқасидан тикилиб туради.

Шамол билан ой нури

Ўйнар тун қучоғида.

Келаман кўнглим дури,

Қалбинг кутган чоғида.

Кимсасиз йўлда танҳо

Кетай кулфатни олиб...

Қайтаман, севикли ёр,

Ишқинг дилимга солиб.

Қўшиқ узоқлашиб, сўнг тинади. Анча вақтгача ит-  
ларининг ҳурнгани эшитилиб туради. Небу чуқур хўрси-  
ниб қоронгилик ичига кириб кетади. Дўмбирачи  
там-тамни тарақлата бошлиайди.

Дўмбирачи. Сен учун... Қора танли  
инсон, сен учун...

Чироқ ўчади. Узоқдан там-таминиг сийрак садолари  
эшитилиб туради. Ой шуъласи секин-аста ялангликни,  
у ердаги ўртаси қирра томли капаларни ёрита бошлиайди.  
Яланглик ўртасидаги қудратли Баобаб ёнида  
қишлоқ дўмбирачиси. Атрофини негрлар ўраб ўтириб-  
ди. Давра ўртасида сеҳргар. Ҳамма там-тамга қулоқ  
солади.

Қишлоқ дўмбирачиси эшитганиларини такрорляяпти.

Қишлоқ дўмбирачи. Сен учун...  
Қора танли инсон... Сен учун!.. Қаерда бўл-  
санг ҳам уқиб ол, инсон! Ётибсанми, туриб-  
санми, юрибсанми, қулоқ сол, фафлатда қолма  
бу замон. Офтобнинг ловиллаган машъали кў-  
пикли тўлқинлар орасига чўкиб сўнган томон-

дан елкаларига милтиқлар осиқ оқ танлилар келмоқда. Улар биз томонга, соҳилга, қадим Игара қабиласига, тобе кишилар кулбалари мингашган Рўё дарёси томон йўл олганилар.

Узоқда там-там садоси тинади. Энди қишлоқ, дўмбирачиси дўмбирасини чала бошлайди. У узоқдаги там-тамнинг садоларини тақрорлайди.

Сеҳргар. Улар бу томонга келишмоқда...  
Уларга нима керак ўзи?

Кишлоқ дўмбирачиси. Ҳозир биламиз.

Чалишдан тўхтайди. Яна узоқдаги там-там садо беради, унга қулоқ солиб шарҳлади.

Оқ танлилар қора йигит изига тушган.  
Неча кундир давом этар бу мудҳииш қувгин.

Яна ўз дўмбирасини тарақлатади.

Сеҳргар. Нега энди бүёққа келадилар?

Кишлоқ дўмбирачиси. Улар қора танлининг изига тушганлар. Из шу ёққа олиб келяпти-да.

Сеҳргар. Оғайнилар, ишонаверинг, у бизга бир балони келтиради. Мен шаҳарда оқ танли жаноб Смайло ҳузурида бўлганимдан хабаринглар бор. У менга: «Сеҳргар, менинг ишим бошимдан ошиб ётипти, қабилаларни сен назорат қилиб турасан!...» деди. Ҳа, худди шундай деди. Яна: «Баъзи бир қора ялоқлар бизга итоат қилмаяпти, ўшаларни таъзирини берамиз!..» деб таъкидлади. Бизнинг қабилаларимизда ҳаммавақғ осойишталик бўлиши керак. (*Дўмбирачига*) у қора йигит нима гуноҳ қилди? (*Дўмбирачи жим.*) Сўзла!

Кишлоқ дўмбирачиси. Ўлдирди.

Сеҳргар. Ўлдирди? Кимни ўлдирди!

Қишлоқ дўмбирачиси. ...оқ танлини ўлдирди...

Жимлик.

Сеҳргар. Барча дўмбирачиларга жарсол, «Бошқа йўлдан бор, биз сени танимаймиз!» деб айтсинлар унга.

Оломонда саросималик.

Қишлоқ дўмбирачиси. Мен бу ишни қўлмайман.

Сеҳргар. Сабаб?

Қишлоқ дўмбирачиси. У яқинлашиб қолди... Келиб қолди...

Тўсатдан сим-сиёҳликдан Небу пайдо бўлади. Гандираклаб аранг ўртага келиб, йиқилади.

Небу (*хириллаб*). Келдим...

Оломонда саросима, одамларинг шивири, хазонни шамол титиб ўтгандаги овозларни эслатади. Ҳамма Небуга яқинлашади.

Сеҳргар. Қайтинг орқага. (*Тумор ва мунҷоқларини шилдиратиб оломонга ташланади.*) Қайтинг орқага. Акс ҳолда ҳаммангизни қўтири спртонга айлантираман.

Оломон ғўнғирилаганча орқага тисарилади... Узоқ жимлик. Сеҳргар ҳамон юзтубан ётган Небуга яқинлашади. Оёғи билан итариб чалқанча ётқизади. Энгашиб уни диққат билан кўздан кечиради.

А, сенми?! Сенмидинг, Небу?

Небу (*аранг ўзига келиб*). Ҳа... Мен...

Сеҳргар. Ҳа, сенсан... сен... сенсан... (*Ҳаммага*) Кўряпсизларми, оғайнилар, бу Небу!

Жимлик.

Сен одам ўлдирдингми? Гапир!

Небу. Ҳа, одам ўлдирдим.

Сеҳргар. Нега ўлдирдинг?

Небу. Оқ бўлгани-чун.

Қишлоқ дўмбирачиси. Қора танлининг ҳам, оқ танлининг ҳам томирида битта қон, қизил қон айқириб юради...

Небу. Оқ танлининг томирида қора қон юради.

Сеҳргар. Жон ўғирламоқ — катта гуноҳ..

Небу. Йўқ, заиф қуллик — катта гуноҳ.

Сеҳргар. Уни нега ўлдирдинг?

Небу. Ҳамма учун! У менинг оғайниларимни дур учун денгизга ўлимга юборди, у қора танли қиз Недани шармисор қилмоқчи бўлди...

Қишлоқ дўмбирачиси. Сен уни аёл туфайли ўлдирибсан... Сен Недани шунча севасанми, Небу!

### Небу

Уни севмай бўларми, ахир,  
Гўзал қора танли Недани.

Ниҳол чирмовуқдай унинг қўллари,  
Кўзларини нақ юлдуз дейсан.

Дудоқлари қизил гулсифат,  
Уни севмай бўларми ахир!..

Дунёда йўқ ундаги қомат:  
Сарв дарахтдек тик, итоаткор,  
Бадани мулоийм тонгги шабнамдан —  
Уни севмай бўларми, ахир!

Эшитганинг борми тун палласида  
Қора танли қизнинг чақириғини!

Қайноқ қон, ўтиорак эҳтиросдир у!..  
Унга жавоб бўлиб менинг танимда

Ўт ёниб, нақ вулқон қуюни бўлиб  
Отилади кўксимдан қалбим.  
Там-там каби ураг гурсиллаб...  
Севмай бўлармикан шу қора оташ  
Чирмовуқдай гўзал Недани?

Жимлик. Небу бошини қуи солади.  
Мен... ўлдирдим...

Сеҳргар. Энди биздан ҳимоя излаб  
келдингми?

Небу. Мен ўз кулбамга келдим.

Сеҳргар. Сенинг кулбанг йўқ! Сен қа-  
блани ташлаб кетдинг, сен орқангдан аёлни  
эргаштириб кетдинг, сен оқ танли одамни  
ўлдирдинг.

Небу. Қабиланинг низомида «Хотининг-  
ни тортиб олмоқчи бўлган одамни ўлдир»  
дейилган. Шундай эмасми?

Сеҳргар. Ҳа, а-а... (*сакраб туриб ҳам-  
мага голибона боқади*). Эшитдингларми? Қа-  
биланинг низоми энди эсига тушипти! Лекин,  
оғайнилар, унинг ўзи Недани мендан тортиб  
олганини унутди, чофи. Демак биринчи бўлиб  
қонунни бузган — у! Лекин сен ҳали тирик-  
сан-ку! Сўзла!

Небу. Неда меники. Сеҳргар, у сени  
эмас, мени севади.

Сеҳргар. Неда менга хотин бўлиши ке-  
рак эди.

Небу. Сен уига кексалик қиласан, Сеҳр-  
гар.

Сеҳргар. Овозингни ўчир!

Небу. Уни менга беринингни сендан ил-  
тимос қилдим, сен бермадинг. Мен олиб ке-  
тавердим...

Сеҳргар. Оғайнилар! Қулоқ беринглар!

Бу одам икки қатла гуноҳкор: Биринчидан, қабиланинг, иккинчидан, оқ танлиларнинг қонунини бузди. Ўша Неда исмли аёл ҳозир қаерда эканини айт менга...

Небу. Билмайман.

Сеҳргар. Эшитдингларми, оғайнилар? Бу одам мендаги аёлни ўғирлаб олиб кетди. Энди қаердалигини билмас эмиш. Қаллоб! Оғайнилар! Оқ танлилар унинг гуноҳидан ўтмайди, улар бу ерга келиб: «Қани бизнинг одамимизни ўлдирган?» деб сўрайдилар, ни ма деймиз? Биз: «Ана, олинглар уни!» деб жавоб қилишимиз керак. Акс ҳолда, бизнинг болаларимизни битталаб ўлдирадилар, кулбаларимизга ўт қўядилар.

Кишлоқ дўмбирачиси. Үзимизни жуда хўрлаб юбордик-ку, Сеҳргар!

Сеҳргар. Жим бўл!

Кичик дўмбирачани олиб жазавага тушиб чалиб даврада айланади. Рақсга тушади, қичқиради. Анча вақтгача дўмбирасини така-тумлаб юради. Кейин бирдан тўхтайди. Жимлик... Давра ўртасида Небу ҳаракатсиз ётипти. Сукунатда секин-аста ўрмон ва туниниг товуши эшитила бошлайди. Мана, галати, қулоқни батангга келтирадиган чинқириқ... Бу нима? Бориб-бориб барча товушлар бир-бирига қоришиб арслоннинг кучли наърасига айланаб кетади. Сеҳргар қаттиқ чинқиради.

А-а-А-а! Нидо келяпти... Эшитинглар, тангриларнинг сўзларини! Улар: «Бу одам оқларнинг қўлига топширилсин!» дейишди. Тангрилар шундай дейишди. Шундай бўлади!

Небу. Йўқ! (*Сакраб туради.*)

Сеҳргар. Ушланглар уни!

Небу бир томонга ўзини уради, кейин иккинчи томонга. Лекин ҳар томондан ҳам уни найзалар қаршилайди, қўлига пичоқ олади.

## Қочириб юборманглар!

Там-там шиддатли садо беради. Давра ҳамон торайиб бориб, Небу ўртада қолади. Даврага Сеҳргар отилиб киради. Қаттиқ ураётганлари кўриниб турипти. Кучли чинқиринқдан сўнг жимлик. Давра тарқалади. Небу гўё михлангандай боғланган. Атрофи найзалар билан гир айлантириб тўсилган.

У қочиб кетмоқчи бўлган эди. Жазосини тортсин. Қани жароҳати газак олиб кетиб, бу ёмон одамнинг танасидан заҳарли сассиқ алафлар ўссин! (*Авраб сеҳрлайди.*) Энди ҳамманглар кетинглар. Бу худо қарғаган муртад, йўлдан озганинг ёнида қолиш гуноҳ. Унга ҳеч ким яқин бориши мумкин эмас. Қасамёд қилинг!

Сеҳргар кичкинагина қизил тошни кафтида тутиб турди, ҳамма эркаклар бирин-кетин тошга қўл теккизib ўтадилар.

Тарқалинглар.. кетинглар ҳамманглар...

Ҳамма кетади. Сеҳргар Небунинг пақ юзи олдига келиб, хахолаб қийқириб кулади.

Энди ора очиқ бўлдик, азизим Небу!

Кула-кула кетади. Небу беҳарақат. Секин музика овози эшитила боради. Аёллариниг сўёзсиз мулойим мунгли куйи қирана томлар устида ёйилади, янги ойнинг ўроғи қалқиб чиқиб, тўхтайди. Қўшиқ узилади. Небу инграб бошини кўтаради.

Н е б у.

Нурли ҳилол... Янги ой!..  
Чоҳ устига чодир бўл

Самонинг тинч кўксида.  
Ҳилол, ҳилол, сен тезроқ  
Овоз бер, мен маҳбусга.  
Тун келини, янги ой!

Ойнинг ўрги томлар орқасида ғойиб бўлади... Баобаб орқасидан қиз пайдо бўлади. Бу Неда қиёфасидаги ой. Қиз эгнида илгариги кийими. Лекин у ойнинг нури билан кумушланган.

О й . Мен бу ердаман!  
Н е б у . Сенмисан, Неда!  
О й . Иўқ! Мен ой. Чақирганинг учун келдим. Тилаганингни сўйла.

Н е б у .

Оҳ, еру кўк нур маъбудаси!  
Ҳар кун тоңгдан ўлим етаклаб  
Атрофимда тинмай кезувчи  
Офатлардан, азоб-кулфатдан  
Халос бўлмоқ йўлини ўргат!  
О й . Офатлардан халос бўлмоқ ўзиннга  
боғлиқ, суюкли Небу!  
Н е б у . Аммо инсон жуда ожиз!

О й

Сўзларинг тўғри эмас!  
Инсонда зўр қудрат доим яшармиш!..  
Тунги осмон қоралиги у,  
Денгизларда кўринган ҳубоб  
Чақмоқларнинг чарақлаши у,  
Буғдойларнинг бошоқланиши  
Тўлқинларнинг гулдираши у,  
Форликларда дам олган жимлик!  
У — кўринмас бизга ҳеч қачон,  
У ҳаётдир ва ҳамда ўлим.

У — йироқда, ҳам ҳузурингда  
Сен у билан тириксан муқим...

### Небу

Оҳ, янги ой, янги ой,  
Сен янги кун кафтида  
Ҳозир эриб кетасан,  
Айтгил, бир нарсани айт!  
Мен билайки, томирда  
Ёшлик қони тиимайди.  
Қандай қилиб, ўч олиб?!

### Ой

Менга қараб ўрнак ол!  
Ўз кучингга ишон сен.  
Душманларниг устидан  
Ғалабага ишон сен.

Ой баобаб орқасига яширинади.

### Небу

Эй, янги оқ нурли ой.  
Мени қолдириб кетма!  
Э, кумуш шуълали ой,  
Узоқ мунтазир этма.

Томлар устидан яна ойнинг ўроғи кўринниб, аста  
нарига сирғала бошлайди.

Қетяпсан самодан,  
Аранг кўриб турибман...

Ой гойиб бўлади. Шамол туриб баобаб шохлари шо-  
вирлайди... Небу ҳолсиз осилиб ётипти. Дараҳтнинг  
шохи секин силкиниб унинг бошига эгилади. Дараҳт  
шохларидан бири—қиз. Бу баобабнинг Неда қиёфаси-

даги қалби, энди унинг кийимлари гўё барглардан тўқилган.

Баобаб. Салом, Небу!

Небу. Бу ким?

Баобаб. Менман.

Небу. Қим? Сенмисан, Неда?

Баобаб. Йўқ. Мен — баобабнинг юрагиман.

Небу. Сен жуда Недага ўхшар экансан...

Баобаб. Неда ҳамма ерда — у ойнинг шуъласида, шаббоданинг нафасида, япроқларнинг шитирлашида, ҳамма ерда у!

Небу. Ёлғон айтма, мен кўрмаяпман!

Баобаб. У ҳамиша сенга ҳамроҳ. Атрофингга назар сол!

Небу. Йўқ. У мени ташлаб кетди. Мен танҳоман. Ҳаёт шунақа: ҳамма ўз ҳолига...

Баобаб. Бундай эмас. Атрофингга боқ. Ҳар бир майса — Неда, майсаларни баҳраманд қилиб турувчи ҳар бир шабнам — у Небу... Эркак ва аёл ҳаммавақт ёнма-ён. Қаерда ҳаёт бўлса, аёл ўша ерда. Аёл она тупроқ сингари. Ёмғир ерни баҳраманд қиласи, ер ҳосил беради, ер туғади. Сен атрофга назар ташла, ёмғир билан кўпчиган бу ерлар тезда кўкаламзор бўлиб кетади. Тупроқ худди аёл сингари ҳаёт чашмасидир.

Небу. Лекин унинг кўзини кўрдим.

Баобаб. У оқила.

Небу. Йўлбарсга ҳам, кийикка ҳам ер ўз кўксидан ўрин беради. Йўлбарс заиф кийикни ютиб юборади... Тупроқнинг кўзи кўр!

Баобаб. Бир кун келиб йўлбарсни ҳам қуртлар ейиншини унутдинг, чоғи?

Небу. Йўқ! Аёлнинг ҳам кўзи кўр. Оқ танлига ҳам, қора танлига ҳам бирдай саҳнйлик билан ҳаёт бағишлайди. Демак, аёл туққан оқ танлилар бошқа шўрликлар қора танли бўлгани учунгина уларни ютиб юборадилар. Қора инсон — туғилади, йиғлади. Вояга етиб эр киши бўлади — йиғлади, ўлаётуб ҳам йиғлади. Нима учун бундай? (*Жавоб кутади.*) Йўқ, жавобни сен беролмайсан. Минг лаънат шундай тирикчиликка! Менга ҳаёт керак эмас!

Барабаб. Асло ундаи эмас, ўғлим Небу! Инсон саодат меваларини ўз тишлари билан узиб олиб, ундан баҳраманд бўлиш учун туғилади, инсон азобдан сирқираш учун эмас, қувониш, кулиш учун туғилади...

Небу. Йўқ! Инсон бошқаларни еб юбормоқ учун туғилади... Йўқ! Мен улардан нафратланаман. Оқлардан, қоралардан нафратланаман. Оқ танлилар худди чиябўрининг орқасидаги қузғундай менинг изимдан қолмайдилар, қора танлилар эса мени сотадилар... Нафратларим бўлсин ҳаммасига! Мен яшаши истамайман. Қачон мени ажал олар экан!

Барабаб. Сен ажални шоширма... Унинг ўзи келади. Ўлим мисоли чақирилмаган меҳмон.

Небу. Йўқ. Ўлим — ташна учун унинг чанқоғини қондирувчи обиҳаёт, гўдак учун она кўкснда тирсиллаган сут! Ўлимни кутган кишига ажал ана шундай ноёб нарса!

Жимлик.

Барабаб. Сен уни шунчалик кутяпсанми, Небу?

## Жимлик.

Небу. Билмайман... чарчаб кетдим...

Баобаб. Чарчагансан... Ҳаёт сенга жуда разил зарба етказди.

Небу. Чарчадим...

Баобаб. Ҳаёт кишининг бошига мусибат келтираверса, у ҳам зарба билан жавоб бера бошлайди.

Небу. Нега керак у?

Баобаб. Яксон бўлганни тикламоқ учун. Яшашнинг маъноси шунда.

Небу. Ҳаёт зарба беришдан тўхтамасачи?

Баобаб. Сен ҳам тўхтама.

Небу. Қилолмайман!

## Баобаб

Чарчагансан, қаттиқ чарчагансан.

Сен мисоли сайёҳ — ташна ва чарчагансан.

Сайёҳ борар чўл, сахро ошиб.

У чарчайди,

Қуриган дармон.

Лекин тинмай йўл босар ҳамон.

Ҳамон олға, олға босар йўл.

Небу. Нима учун?

## Баобаб

Сабаб шулки, билади аён;

Узоқ барханларнинг ортида

Шаффоф чашма қилас замзама.

Йўл босади, етади... аммо...

Небу. Чашма қурипти.

## Баобаб

Ҳа... Чашманинг қурипти суви.  
Сайёҳ қулар,  
Бутун умиди  
Чўкиб кетар чашма тубига...  
Қувват ҳам йўқ тушса йўлига,  
Небу. Шундан кейин не қилсин сайдо?  
Баобаб. Яна туриб, йўл олсин олға!  
Небу. Нима учун?  
Баобаб. Топмоқ учун бошқа чашмани.  
Небу. У ҳам қақраб қолган бўлса-чи!  
Баобаб. Қаддинг ростлаб яна олға юр.  
Небу. Ҳамон йироқ, йироққа! Нечун?  
Баобаб. Топмоқ учун! Тур,  
Олдинга боқ!

Небунинг боши беихтиёр қуйи эгилади. Баобабининг шохлари аста-секин кўтарилади. Қиз ғойиб бўлади. Сукунат... Узоқ-узоқдан Неданинг қўшиғи эшитилади...  
Овоз тобора яқинлашади.

## Неданинг қўшиғи.

Шамол билан ой нури  
Ўйнаб тун қучоғида.  
Келаман, кўнглим дури,  
Қалбинг кутган чоғида.  
Қимсасиз йўлда танҳо  
Қетай кулфатинг олиб...  
Қайтаман, севикли ёр,  
Ишиқнинг дилимга солиб!

Қоронгиликдан қизнинг келишган қадди-қомати кўрилади. Бу — Неда. У бу сафар ўзининг асл қиёфасида. Оҳиста ҳар томонга аланглаб Небуга яқинлашади. Юзига юзини қўяди. Небу инграб кўзйни очади.

Небу. Ким бу?  
Неда. Менман, мен...

Небу. Йўқ...  
Неда. Менман. Небу!  
Небу. Сен? Оҳ... Кўланкалар кетдими?  
Сенми?

Узоқдан итларниг акиллагани эшитилади. Неда қич-қириб Небу боғланган арқонларни еча бошлайди.

Неда. Тезроқ... Тезроқ.  
Небу. Қўй мени... Қўй ўз ҳолимга, мен истамайман.  
Неда. Қўзингни оч, Небу. Бу мен ахир.  
Небу. Тегма менга. Мени ўз ҳолимга қўй. Ҳеч нарса керак эмас.

Итлар овози жуда яқиндан эшитилмоқда.

Неда. Тур, тезроқ тур... тез.  
Небу. Мен чарчадим... Тинчгина ўлишга қўйгин.  
Неда. Йўқ, Небу! Кетамиз бу ердан!  
Небу. Чарчаганман... Шундай чарчадим-ки...  
Неда. Қўзингни оч, Небу!

Итлар овози жуда яқиндан эшитилмоқда.

Яқинлашиб қолишли! Менга кўмак бер ахир, Небу. Үзингни тут.  
Небу (*аранг эшитиларли*). Йўқ... йўқ!..  
Неда. Небу! Небу деяпман! Үзингни тут, мен сени эплаёлмаяпман ахир! (*Ҳамон уни еча олмайди.*) Худойим, ўзинг кўмак бер! Тангриларим, ўзингизниг раҳмингиз келсин.

Итнииг жуда қаттиқ вовиллагани эшитилади. Неда даҳшатдан қичқиради.

**Неда. Кўзингни очсанг-чи, ахир, Небу!..**

Қоронфилик. Итларнинг ҳуриши тақ тўхтайди... Кимнингдир йиглагани, кимнингдир доди эшитилади. Таниш яланглик. Баобаб теварагини энди полиция комиссари, қўлда қамчи тутган бир неча полиция кишилари ўраб олган. Қишлоқ дўмбирачиси бир томонда. Биркўз бошқа томонда писиб турипти. Дараҳтга боғланган киши бошини кўтаради. Бу—Сеҳргар.

Ялангликда бошқа ҳеч кўм йўқ.

**Комиссар. Қани у?**

Сеҳргар. Бу дараҳтга боғлиқ эди...

**Комиссар. Қани у, деяпман?**

Сеҳргар. Биз уни шу дараҳтга боғлаб ташлаған эдик...

**Комиссар. Айт, қаерда у?**

Сеҳргар. Жуда ёмон одам... Биз боғлагандик уни.

**Комиссар. Қаёққа ғойиб бўлди?**

Сеҳргар. Биз билмаймиз, соҳиб.

Комиссар. Эҳтимол, сиз уни боғламагандирсиз, балки у шу ердадир, эҳтимол, дараҳтлар ичига яшириб қўйғандирсиз-а?

Сеҳргар. Йўқ, соҳиб. Биз уни дараҳтлар орасига яширганимиз йўқ, эҳтимол уни руҳлар олиб кетишгандир.

Комиссар. Уни сенинг қора ялоқларинг олиб кетган, биласами? Сен мени ғофил деб ўйлама!

Сеҳргар. Йўқ, соҳиб, қабиладан бирон жон бу ишни қилмайди. Улар қизил тош ҳаққи қасамёд қилганлар.

**Комиссар. Йўқми қора ялоғнинг?**

Сеҳргар. Йўқ.

**Комиссар. Ер ютипти бўлмасам.**

Сеҳргар. Фармон бер, мени ечиб қўйсинилар, қўлларим увишиб кетди.

Комиссар. Ечинглар, бу абрақдан иш чиқмайди.

Сеҳргарни дараҳтдан сиб оладилар. У полициячилардан кўз узмай қўрқа-писа бир чеккага ўтади.

Сеҳргар (*қўрқа-писа*). Қизларимиз сизларга ўйнаб берсинлар...

Комиссар. Лаънати ўлка. Мудҳиш замон. Э, иблис негрлар, ҳаром ўлинглар!

Полициячи. Бизни бу пучмоққа ажал ҳайдаб келди.

Комиссар. Нима ҳам қилардик. Биз қонунга итоат қиласиз. Қора танли оқ танини ўлдирди. Энди ўзи осилиши керак. Мен қонун қулиман, биласанми?

Полициячи. Сиз заҳарланган камон ўқи нималигини биласизми, жаноб комиссар? Сиз ҳали янгисиз... мен сизга айтсам, хиёл тирнаб ўтса борми, қуёнчиқ тутгандай ғужа-иак бўласизу, икки дақиқадан кейин жонингизни таңгрига топширасиз.

Комиссар. Менга нега гапиряпсан бунинг ҳаммасини?

Полициячи. Нега дейсизми? Сиз у йигит орқасидан қувиб юриб, марварид тутивчилар айтгандек, бўрон яқнилашиб келаётганини сезмай қолдингиз.

Комиссар. Нима бўпти? Нима дегани бу!

Полициячи. Шу деганимки, бу ишларининг ҳаммаси менга сира ёқмайди. Қоралар бир балони бошламоқчи. Ёмон ҳид сезяпман.

Комиссар. Нима демоқчисан, очиқроқ гапир!

Полициячи. Шуни демоқчиманки, мен

сизнинг ўрнингизда бўлсам, аллақачон орқага қайтган бўлар эдим.

Комиссар. Бас қил. У йигитни топмагунча қидираверамиз.

Полициячи. Ихтиёр сизда.

Комиссар. Очифини айтсан, из исказ юриш ўзимнинг ҳам жонимга тегди! Аммо начора? Ҳаммамизнинг бола-чақамиз бор. Уларни боқиш керак.

Биркўз (*Комиссарга яқинлашиб*). Айбага буюрмайсиз, жаноб комиссар, йўлимиизни давом эттиришимиз керак... Ҳадемай бу ерда муттасил ёғингарчилик бошланади, кейин уни сира ҳам топиб бўлмайди, соҳиб.

Комиссар. Муттасил ёмғир фасли дейсанми. Шу етишмаётган эди. Ҳаммасига сен абраҳабаб бўлдинг.

Биркўз. Соҳиб, холис ният билан яхшилик қилмоқчи эдим.

Комиссар. Нега қизнинг орқасидан олиб бординг бизни?

Биркўз. Мен уни қиз билан деб ўйладдим...

Комиссар. Қиз тоза адабимизни берди (*Сеҳргарга*). Қиз бу ерга келмаганига аминмисан?

Сеҳргар. Бу ерга келмаган, соҳиб.

### Жимлик.

Комиссар. Узоққа кетишга ақлим етмайди. Жароҳатли деганимдинг?

Сеҳргар. Қочиб кетмоқчи бўлган эди, мен қаттиқ урдим. Кейин олиб келиб у дарахтга боғладик...

Комиссар. Яна дарахтдан гапиради-я!

Гап шу! Менга одамларингдан берасан, бирга боришади.

Сеҳргар. Ҳеч ким бормайди, соҳиб. Ҳозир ҳеч ким менга бўйсунмай қўйган.

Комиссар. Қишлоқда интизом бўлишига сен мутасадди. Тополмасак борми, келиб қишлоғингга ўт қўямиз, сени бўлса шаҳарга олиб бориб оқ ҳокимнинг оёғига ташлаймиз, фаҳмладингми?

Биркўз. У бошқа қишлоққа кетиб яширинган бўлса ҳам ажаб эмас.

Комиссар. Тўғри айтади. (*Дўмбирачига*) Ҳаммаёққа жар сол: «Небу отли қора одам оқ танлини ўлдирди. У қонунга хилоф иш қилди. У — оқ танлиларнинг ҳукмига топширилиши керак. Яширганинг боши кетади. Тутиб берган катта пул олади» деб жар сол!

Дўмбирачи там-тамни чалади.

Комиссар. (*Сеҳргарга*). Нима деяпти?

Сеҳргар. Билмайман, соҳиб. У ҳозир фақат дўмбирачилар тушунадиган тилда сўзлаяпти.

Чироқ ўчади. Там-там садоси тобора секинлаша боради. Нуринг тиллари саҳна олдидаги Небу билан Недани ёритади. Гигит қизнинг елкасига суюниб зўрга турипти. Улар дўмбиранинг овозига қулоқ соляптилар.

Саҳна олди.

Небу (*эшиштганини тақрорлайди*).

Шошилингиз, шошилингиз, шошилингиз!

Небу, там-тамга қулоқ сол... Қоч!

Оқ танлилар изингдан қувиб келмоқда...

Шошил! Итлар изингни исказ ҳурмоқда.  
Қоч!

Чакалакзорлар орасига кириб яшириш... Тезроқ қоч!

Там-там садоси тақ тўхтайди.

Неда. Кетиш керак.

Небу (*ерга ўтириб*.) Ҳа...

Неда. Юр.

Небу. Йўқ.

Неда. Нега?

Небу. Бир узинг кетавер!

Неда. Йўқ!

Небу. Ўзинг кетавер!

Неда. Нима учун?

Небу. Мен кетолмайман.

Неда. Биз кетишимиз керак.

Небу. Оғриқ алами кўксимни қиймалаб ташлаяпти.

Неда. Бари бир кетиш керак, Небу!

Небу. Нега, Неда?

Неда. Яшаш учун!

Небу. Яшашдан чарчадим. Мени ўз ҳолимга қўй, Неда.

Неда. Йўқ, иккимиз ўрмон ичига яширинаимиз.

Небу. Топиб оқларга топширишади.

Неда. Ўрмоннинг жуда ичкарисига кириб кетамиз, тур ўрнингдан!

Небу. Туролмайман, Неда!

Неда. Тур, жоним!

Небу. Йўқ! Ўзинг тезроқ кет.

Неда. Тур дейман, сенга, турсанг-чи!

Неда қутурган мушукдай Небу устига ташланиб, муштлари билан унинг юзларига уради... Яна...

Яна... Небу азот туриб қизнинг бўғзидан олади.

Небу. Ўлдираман сени!

Неда секингина кула бошлайди. Пигит қизни қўйиб нари чекинади.

Неда (*Небуга қўлларини чўзиб*). Небу! Азиз Небу! Сен кучлисан, Небу! Сен ҳақиқий мағурур эр кишисан, қадрли Небу!

Небу гандираклаб кетади. Неда сакраб туриб уни суюди. Небу қизнинг елкасига қўлини ташлаб суюниб туради.

Сен менга ишон, Небу! Танангнинг оғриқлари тарқалгунча мен боқаман сени! Менинг кўзларимга боқ! Энг чаққон маймун сингари хурмо дараҳтларининг учига чиқаман, унинг ноз-неъматларини олиб сенинг оёғингга тўкаман... Менинг кўзларимга боқ! Мен ҳар ишга қодирман! Тошлардан-тошларга сакраб, сенга жайрон овлаб бераман, дараҳтларнинг баланд чўққиларидан зангор кўллар тубига шўнгиб, балиқлар тутиб чиқаман, Небу! Сен менинг кўзларимга боқ, Небу, мен кучли аёлман. Мен сенга ўлимни йўлатмайман, Небу! Кейин... кейин мен сенинг фарзандларингта ҳаёт ато қиласман...

Небу (*табассум қиласади*). Улар кучли эркаклар бўлиб ўсишади...

Неда. Ва меҳрибон рафиқа бўлишади.

Небу. Бошқа кучли эркакларга она бўлишади.

Неда. Ва бошқа меҳрибон хотинларга она бўлишади.

Яна дўмбира чалинади.

Небу. Тезроқ бўл, Неда, тезроқ. Оқлар сенга келишяпти, қоч!

Неда (*дўмбирага жавоб қилгандаи, кескин*) Кетяпмиз!

Узоқдан итларининг овози эштилади. Неда йигитни қучоқлаб олади. Улар томошабинга орқа ўғирган ҳол-

да саҳна ичи томон юрадилар. Улар орқасидан чирмовуқ парда тушади... Момақалдироқ гулдираб, чақмоқ чақилади... Улар ҳамон кетиб борадилар. Яна бир парда тушади. Чақмоқ яна кучлироқ чарақлайди. Небу билан Неда энди кўринмайди — энди уларни қалин ўрмон бағрига яширгандай. Шамол эсиб ўтади, чирмовуқлар илонлардай тўлғанишади. Итларнинг хуриши жуда яқиндан эшитилади... Жала қуя бошлайди.

Ҳамма нарсани ёмғирнинг қалин пардаси тўсади.

Томоша залида секин чироқлар ёна бошлайди.

Парда

Саҳна олдида — прожекторнинг нурида қора дўмбирачи кўринади. У там-там чалади. Қоронгиликдан Небу билан Неда чиқиб келади.

Небу. Бизни сен чақирдингми?

Дўмбирачи. Мен.

Небу. Нима дейсан?

Дўмбирачи.

Эҳ, умр йўли қисқа...

Небу, қайга олдинг йўл?!

Небу. Буни қачон билди ким?

Дўмбирачи. Борар мазгилинг қайдা?!

Небу. Билолмайман.

Дўмбирачи.

Умр йўли кўп қисқа.

Қолурми сендан нишон?

Небу. Билолмайман.

Дўмбирачи

Сен ишон.

Беҳудага ўтган ҳар ҳаёт,

Из қолмаган йўлдаги сароб.

Небу. Менга унинг сира дахли йўқ.

Дўмбирачи

Из қолмаган йўл — у йўл эмас.

Шундай ҳаёт кечирки, Небу,  
Бўрон ҳам изингни йўқотолмасин.  
Уша сендан қолган из билан  
Ўзгалар ҳам йўлга тушсинлар,  
Сени олға олиб ўтсинлар.

### Н е б у

Ўзга? Ўзга билан ишим йўқ!  
Ҳар ким ўз йўлига, ўзи-чун яшар.

### Д ў м б и р а ч и .

Лекин ҳаёт сўқмоқларига  
Танҳо кирган қоқилур.

### Н е б у

Бекор.

### Д ў м б и р а ч и

Беқарорсан қувғин ҳайвондай!  
Сен таъқибдан қочасан, Небу!

### Н е б у

Мен қочаман ҳамма одамдан,  
Оғир ҳаёт, там-тамингдан ҳам.

### Д ў м б и р а ч и

Лаззатлардан...

### Н е б у

Ёвуз ҳаётдан.

### Д ў м б и р а ч и

Кураш ишқи тўла ҳаётдан!

Узоқдан там-там садо беради.

Ана эшит, там-там урар бонг,  
Сени чорлар одамлар томон.

### Н е д а (*ғазабда*)

Ўз ҳолига қўй! (*Бақиради.*) Там-там  
жим бўл!..  
Бу менники, танҳо меники,  
Биз биргамиз — керакмас ҳеч ким!  
Жим бўл энди, бақироқ там-там.  
Қулоқларни келтирдинг батанг,  
Юракларга солдинг ғулғула.

### Д ў м б и р а ч и.

Дўмбираалар гумбирлар, тингла,  
Ҳаёт сари чорлайди сизни.

### Н е д а

Жим бўл! Бизлар қолмаймиз бунда,  
Бу ерлардан кетамиз дарҳол.  
Инсонларнинг кўзидан нари,  
Кетиб — икков ахтарамиз баҳт.  
Қани кетдик, севикли Небу!

Н е б у . Кетдик!

Кетадилар.

Д ў м б и р а ч и . Нетай... кетаверинглар...

Қоронгилик. Там-там тобора пасайиб боради. Тамом  
тўхтаганда бутазор пайдо бўлади.  
Тонг. Қуёш кўтариљмоқда. Хурмо дарахти остида  
Небу ётипти. Дарахтнинг бошида Неда чайқалиб  
ўтирипти. Неда бананлар узиб Небуга ташлаб, қўшиқ  
куйлайди.

## Неданинг қўшиғи

Атрофларга ташла нигоҳ, менинг суюклим,  
Ўнгда ҳеч ким,  
Сўлда ҳеч ким,  
Қайноқ қучоғингда танҳо, яйрайман ўзим!

Бизни ҳеч ким кўрмай қолган он,  
Қалбимизга ишқ кирди пинҳон.  
Умр бўйи ахтарсанг, зинҳор  
Тополмайсан мендай муnis ёр!  
Атрофларга ташла нигоҳ, менинг суюклим,  
Ўнгда ҳеч ким,  
Сўлда ҳеч ким,  
Қайноқ қучоғингда танҳо, яйрайман ўзим!

Неда хурмо дарахтидан тушиб, Небу ёнига чўкади.  
Узоқ муддат жим ўтиришади.

Небу. Сен менга жон бағишладинг, Неда!

Неда. Жуда бахтиёрман, Небу!

## Неда

Сен дарёдай тошқинсан мудом,  
Дарёсимон бағишлайсан жон.  
Сен қоядай тиксан ва мағрур,  
Атрофингда ўкирап бўрон.  
Сен қамишсан, эсар қуюнлар,  
Лекин қаддинг буколмас зинҳор...  
Азиз Недам, севаман сени!..

## Неда

Севги гўё сўқмоқдир... сўқмоқ —  
Тирик унда юрганда одам!..

Небу

Шу сўқмоқда юраман мангу.

Неда

Шундай бўлсин, илоҳим, Небу!

Небу

Шундай бўлар! Сен чиройликсан.

Қўйма устун сингари бўйнингниг ялан-ғочлигини севаман. Сенинг қўшиқ сингари енгил хиромон юришингни севаман. Там-там оҳангি сингари ёқимли овозинг ҳушимни элитади, қуёш бўса олган баданингниг қайноқлигини ва фусункор кўзларингни севаман... Ана, кўзингниг кўзгусида қуш парвоз этиб ўтди...

Неда. Йўқ. Қуш сенга сайраб бермоқ учун қўнди.

Небу. Менга?

Неда. Иккимизга. (*Неда Небунинг ёнига чалқанча ётади.*) Қара, хурмолар устида шафақ яллиғланди.

Небу. Ҳа, қуёш нурлари хурмонинг сариқ навдаларига ўхшайди... Навдалар кучга кирмоқда, тебранади, куч йиғади.

Неда. Қуёш ҳозир хурмолар устига ястанади.

Небу. Ҳа, тун зулмати фарёд тортиб чекинади. Чекинсин, мен сени севаман, Неда. Мен сени аёл сифатида севаман!.. Аёл!.. Оҳ, аёл! Сен кимсан-а... аёл...

Неда. Мен айтиб бера қолай. Аёл — эр-какнинг бир қисми. Унинг орзу-умидларига қанот бўлади. Шу орзулари яшаб қолсин учун унинг фарзандларига ҳаёт беради. Аёл

Эркакнинг юрагида яшайди. Аёл ҳақида эртак айтиб берайми, истайсанми?

Небу. Эртакка айт, келсин!

Неда. Бўлмаса, кўзларингни юмиб қулоқ сол.

Ойнинг оппоқ нурлари ер юзига қўйилган ажойиб бир тунда табиат гўзал бир гулни кўриб қолиб, уни аёлга айлантироқчи бўлиди...

Коронгилашади. Қуёш гойиб бўлиб, ой чиқади. Ойнинг кумуш нурлари тўкилади. Мусиқа эшишилади. Небу кўзларни юмиб, қимир этмай ётади. Унинг ёнида Неда. Атрофдаги ҳамма нарса ғойиб бўлади... Фақат катта гул пайдо бўлиб, худди рақсга тушгандай бир маромда чайқалади. Коронгилик ичидан инсон қиёфасидаги табиат кўринади. Бундан кейинги юз берадиган ҳамма воқеа рақс, ниқобларнинг имо-ишорали рақслари. Табиат гул атрофида рақс қиласди, гул аста-секин гўзал қора танли аёлга айланади... Аёл жуда Недага ўхшайди.

Рақс Неданинг ҳикоясини баён қилиб боради.

Ўз санъатидан мамнун Табиат шабада сингари мулоийм ва жарангли сўзларда аёлни мадҳ этипти, лекин аёл дилини бу сўзлар ром этмапти, аёл қаерда яшаяжагини билгиси келар экан.

— Тоғликлар орасида яшашни истайсанми? — сўрапти ундан Табиат.

— У ерда жуда совуқ! — жавоб айтиби аёл.

— Ундей бўлса денгиз сатҳига қаср қуриб берай! — дебди Табиат.

— Денгизнинг зўр тўлқинлари бўлади, — жавоб айтиби аёл.

— Бўлмаса сенга саҳрода сарой туҳфа қиласман.

— У ерда кучли шамоллар доимо дарбадар кезади! — шикоят қилиби нозанин аёл.

Табиат нима қилишни билмай юрган экан, бир кун аёлни эркак кўриб қолибди.

Қоронгиликдан қора танли эркак пайдо бўлади, у жуда Небуга ўхшаб кетади. Эркак ва аёл муҳаббат рақсини ижро этади.

Эркак аёлни севиб қолибди. Шунда Табиат аёлга эркак юрагида яшаб қолишга ижозат берилти. Ниқоблар ғойиб бўлади... Қуёш чиқади, хурмо дарахти тагида боягидай Небу ва Неда ётипти.

Шундан бери эркакнинг юрагида тоғликларнинг музи, денгизнинг тўлқинлари ва саҳронинг мудҳиш шамоллари яшайди... Аммо аёл ҳаммасига бардош қиласди. Чунки бу эркак юраги, аёл бошқа ерда яшай олмайди.

Жимлик. Небу кўзини очади.

Небу. Эртак кетиб қолдими? Жуда гўзал эртак экан...

Неда. Чиройли.

Небу. Бундан чиқди сен менинг юрагимда яшар экансан-да, Неда?

Неда. Мен сенинг қалбингда яшайман, Небу... Эркакнинг юрагида яшайдиган ҳар бир аёл каби совуққа ҳам, иссиққа ҳам дош бераман...

Небу (*ўйчан*). Ҳа, шундай.

Сукут.

Муттасил ёмғирлар фасли ўтди. Менинг таним худди хурмо дарахти сингари ҳаёт ва қудратга тўляпти. Тезда мен яна кучли ва жасоратли бўлиб оламан. Мен сен учун ов қиласман, балиқ тутаман... Сен ўчоққа ўт ёқасан.

Неда. Ўчоққа ўт ёқаман, мен унинг ҳароратини ҳимоя қиласман.

Небу. Оиламиз ҳароратини сақлайсан.

Неда. Иккимиз сақлаймиз. Оиламиз чироғини фақат икковлашиб сақлаймиз... Тамтам жим бўлди.

Небу. Хавф ҳам нари кетди... Энди сенинг юрагингни ҳеч қандай ташвиш таҳликага солмайди. Мен дўмбирачиман-ку, Неда.

Неда. Йўқ! Сен менинг эримсан. Сен ёлғиз мен билан бўласан, бизга ҳеч кимнинг кераги йўқ.

Небу (*бир нафасдан кейин*). Ҳа... бизга ҳеч кимнинг кераги йўқ. Аммо одам танҳо яшай оладими? Одам ёлғиз бўлса ов қилиб, овқат топа оладими, йиртқич ҳайвонлардан ўз уйини ҳимоя қила оладими, ҳаётда шодлик топа оладими? Одамнинг бир ўзи оиласи ўтини ҳимоя қила оладими? Сўйла, Неда?!

Неда. Сен авваллари бундай ўйламас эдинг, Небу!

Небу. Нечукки, муттасил ёмғирлар фасли яна бошланиб ҳайвонлар ин-инларига кириб кетадилар, ов ҳам қилиб бўлмайди... Бешафқат жалалар кулбамизни кўмиб кетади... Ушанда биз тамом танҳо қоламиз, Неда!

Неда. Сен мард кишисан, азизим Небу! Мен кучли аёлман.

Небу. Тўғри айтасан. Агар жуда қийналиб қолсак дурдонамиз бор.

Неда. Дурдона... Улоқтириб юбор уни, Небу, у бизга бир фалокатни бошлаб келади.

Небу. Асло! Ҳеч қачон!

### Жимлик.

Мен энди ҳеч қачон там-там садоларини эшифтамайман.

Неда. У сенга керак эмас, унут там-тамни. Ёнингда мен борман.

У бирдан қичқириб қорнини ушлаб қолади. Худди бир нарсани тинглаётгандай бир пафас жим туроди. Кейин жимгина ширин кулади.

Небу. Сенга нима бўлди, Неда?

Неда. Қимирляяпти... У ҳаёт талаб қиляпти...

Небу. Ҳаёт талаб қиласпти? Нима деяпсан ўзинг, қизми у?

Неда. Кичкина Небу...

Небу (*сакраб туроди*). А, аёл, нима деяпсан ўзинг!

Неда. Тезда уч жон бўлиб қоламиз, Небу!

Қоронгилик тушади. Чироқ қайта ёнганда қуюқ чирмовуқларни кўрамиз. Чакалак ўрмоннинг ўз ҳаёти давом этмоқда. Ҳашаротлар чийиллади, қушлар чуғурлайди, маймунлар минғирлашади... Бирдан инграш, дард ва алам тўла инграш эшитилади. Эр киши инграйди. Яна жимлик. Ўрмон ичидан Небу чиқиб кела-ди. У чирмовуқларни ҳар томонга итариб чопиб келмоқда.

Саҳна олди.

Небу қорнини чанглаб даррдан тўлғанади. Ўзи ўзига савол бериб жавоб қиласди.

Небу. «Сенга нима бўлди, Небу? Нега бунча қичқирасан?» Оҳ. Шундақаям оғрияптики, ич бағримни қийма-қийма қилиб ташляяпти. «Ачинамиз сен шўрликка, Небу! Биз ҳамма қариндошларинг жуда ачинамиз».

Оҳ, бу қандайин дард эди ўзи! «Бахт. Қаттиқроқ қичқира бер! Хотининг қичқира олмайди!» Оҳ!. Мадад беринг менга. Кулбалар кунжагида кун кечираётган қашшоқлар-

нинг хонаси вайрон бўлмасин! «Эҳтимол, айёрлик қилаётгандирсан, Небу? Эҳтимол, қирчиллама тимсоҳ каби соппа-соғдирсан?» Йўқ-йўқ деяпман-ку, сизга. Қорним жуда ёмон оғрияпти!.. Эҳтимол, қичқирганим етар энди? «Йўқ. Удумга бўйсун. Туғиш дарди буюк дард, аёл буюк иш — мардликдан маҳрум. Шунинг учун буюк дардни эркак ўз зиммасига олади». Вой-вой... Қанақа оғриқ ўзи, қорнимни фил тепкилаётганга ўхшайди-я, Вой-вой... Энди тўлғоқа айланди!

Ётиб дарддан тўлганиб типирчилайди.

Мен қанча тортсам, қанча қичқирсам, хотинимга шунча осон бўлади. Биргалашиб дард тортамиз. (*Даҳшатли қичқиради.*) А... А... ҳило...О.

Бу қичқириққа акс-садодай ўрмонда чақалоқнинг йиғиси эшитилади. Небу ўрнидан сакраб туриб бўзрашиб қолади. Сонларига уриб хахолаб кулади, ерга ётиб юмалайди. Кейин ўрмонга қараб қичқиради.

Дунёга келган инсон ўғилми, қизми, Неда?!

Ўрмон ичкарисидан Неданинг мулойим баҳтиёр овози эшитилади.

Неданинг овози. Ўғил, Небу!

Небу яна сакраб-сакраб қичқиради.

Небу. Ўғил! Ўғил! Ўғил!

Жимлик. Небу қулоқ солади.

Нега ўғил жим бўлиб қолди, Неда?

Неданинг овози. Эмаяпти, эмаяпти, Небу!

Небу. Унинг кўкрагини эмаяпти, унинг

кўкрагини эмаяпти янги одам. (*Қичқиради.*)  
Неда, семизгина, каттагинами, ўғил?

Н е д а. Каттакон, семиз, Небу!

Н е б у. Менга ўхшайдими, Неда?

Н е д а. Секироқ, Небу, ухляяпти...

Үрмон яна товушга тўлади.

Н е б у (*секин товушиз кулади*). Ово-  
зингни чиқарма, Небу, у ухляяпти. (*Қўллари  
ишораси билан қушларни ҳайдайди.*) Жим,  
ўғил ухляяпти. Жим, инсон ухляяпти, жим!

Қоронфилик. Яна чакалакзор. Аммо хурмо дарахти  
остида тепаси хурмо дарахти барглари билан ёпилган  
кичик кулба. Кўкда булат сузади. Кулба остонасида  
қўлида гўдак билан Неда ўтирибди. Улар тепасига  
Небу эгилган.

Н е д а (*болани тебратиб*)

Сен уйқуда, ўғлим, ўтиб борар ҳаёт,  
Сен уйқуда, кунлар учар ёйиб қанот.  
Бу ҳаётда умр йўли қисқа, болам.

Уз изингни қолдирасан унда сен ҳам.

Илк изларинг енгил бўлур одимингдай,

Ёшлик ўзи шундай бўлур тонг елидай.

Улғаясан, йиллар ўтиб кетар қатор,

Иzlaring ҳам қум устига чуқур ботар.

Кекса инсон ҳаёт йўлин шундай ўтар.

Сен уйқуда, ўғлим, ўтиб борар ҳаёт.

Сен уйқуда, кунлар учар ёйиб қанот...

Алла болам... алла... болам... алла...

Н е б у. Ухладими?

Н е д а. Ухлади.

Н е б у. Ҳадеб ухлай бераркан-да?

Н е д а. Гўдак шундай бўлади. (*Она гў-  
дакнинг қорнига қўлинни қўяр, ота гўдак оёқ-  
ларини силайди.*)

Небу. Бирам юмшоқ... Худди момиқ,  
тапли жониворга ўхшайди.

Неда. Ундаи дема, у инсон.

Небу. Бунча ҳам юмшоқ-а!..

Неда. Тегма, Небу, уйғотиб юборасан.

Оёғини қўйвор!

(*Небу оёғини қўйиб, қўлини бола қорнига аста қўяди.*)

Небу. Қара, қорни қўлимни кўтаряпти.

Неда. Нафас оляпти-да.

Небу. Нафас оляпти дегин. (*Аста кула-ди.*) Қўлингни қўйсанг, қорни худди сознинг торига ўхшаб титрайди. Назаримда, ҳаёт жилғаларидан тўкилаётган кумуш гўзал шалолага ўхшайди. Биз худди ана шу кумуш сувларга қўлларимизни тутиб турган болаларга ўхшаймиз.

Неда. Бола катталарни ҳам бола қилиб қўяди.

Небу. Юраги қандай ураётганини кўрғим келади.

Неда. Нарироқ ўтири, унга халал берма.

Небу. Иўқ, Неда. Бу буюк мўъжиза. Сен унинг жажжи қўлларига, оёқларига назар ташла, даҳанларига қара. Энг нозик, мулойим меваларга ўхшайди. Дунёда бу мўъжизадан гўзалроқ нима бўлиши мумкин?

Бу қандай зўр мўъжиза

Дунёга келди одам.

Бир бурда эт, бир иссиқ жон

Лекин овози бардам.

Ҳадемай у улғаяди,

Тинчиш билмайдиган мард,

Худди шу кун туғилганни

Бир кун севиб чекар дард.

Қизча бугун ўзи каби,

Бир парча эт, иссиқ жон.  
Лекин бир кун бўйга етиб  
Топишади икковлон...  
Бир сўқмоқдан борар ёндош  
Иккимиздай улар ҳам,  
Бу мўъжиза! Эшит, қуёш,  
Дунёга келди одам!..

(Гўдак уйқусида хўрсинади.)

Небу. Унга нима бўлди?  
Неда. Туш кўряпти.  
Небу. Туши қўрқинчлими?  
Неда. Йўқ, гўдак эзгуликларни туш кўради.

Небу. Нима дединг, Неда?  
Неда. Гулларнинг атри ва она сутининг лаззати тушига киради.

Небу. Буларни сен қайдан биласан, Неда?

Неда. Мен онаман... Оналар болаларини яхши биладилар. Бу кичкина Небу, менинг жон ва жисмимнинг бир парчаси.

Небу. Иккимизники, Неда... Кўкрагингда сутинг кўпми?

Неда. Учаламизга етади.

Небу. Жуда кўп эмас экан-ку!

Неда. Сенга ўхшаган нафси ёмон-да.

Томга ёмғир томчилайди... кўпаяди. Неда билан Небу ваҳима аралаш кўкка қарайдилар.

Бу нимаси?

Небу. Ёмғир... Кулбага кир, Неда, муттасил ёмғирлар фасли бошланаяпти.

Коронфилик. Жала қамчилайди... Чироқ яна ёнади. Кулба ичи, остона олдида ўчоқ, Неда боласини тебратиб ўтирибди.

## Н е д а

Йиртқич ҳайвоnlар ўкириб,  
Тун бошингга солса фалокат.  
Ваҳималар дилинг кемириб  
Қувгандада, қувгандада ҳам тарк этма ҳеч вақт.  
Хонадонинг чироғин сақла!

Тажовуздан сақлар ўша,  
Ёвузлардан сақлар ўша,  
Ёмон нафас, ёмон кўздан,  
Ваҳшийлардан сақлар ўша.

Адоватлар қуршаб тегранг,  
Кўпик сочса чироғингга  
Уша ёвнинг ҳолин эт танг,  
Йўлатмайин ўт ёнига,  
Хонадонинг чироғин сақла!

У сенинг хонанингга берган ҳарорат:  
Ёрқин алансин, қора тутунин.  
Рақсига таъзим қил, одатига боқ.  
Лекин сен, бир унинг қарғишидан қўрқ.  
Она ер ўтига қилсанг хиёнат  
Кулбаннинг келтирас йўлдан озасан.  
Сен сарсон, саргардон гадо қоласан!  
Зарба берса сенга ҳаёт найзаси  
Жисмингни қийнаса азоб ва алам  
Сен она тупроққа бағринг бер шу дам,  
Унинг дарё меҳри, ҳароратини,  
Ширин эркалашин танда сезасан.

Ҳар қачон эсда тут:  
Заиф эканингда  
Уша бўлди жон.  
Нимжон эканингда

Уша берди жон.  
Хонадонинг чирогин сақла!

Бола йиғлайди.

Оч қолдингми, бечора бола,  
Нима берай, кўксимда сут йўқ...  
Ҳозир азиз отанг келади,  
У мард, сени тинчтар дарҳол,  
Овқат топиб келади сенга...

Небу киради. Қамон ва ўқини ерга ташлаб, ўчоқ  
олдига ўтиради.

Бошини қўллари орасида қисиб сукут қилади.  
Бола яна йиглайди.

Неда. Небу, ҳеч нарса олиб келолмадингми?

Небу. Ҳеч вақо.

Неда. Овинг ўнгидан келмадими, Небу?

Небу. Лаънати ёмғирни кўрмайсанми, тирик жоннинг ҳаммаси ўрмонни тарк этипти. Бола очликдан ўлмаса яхши эди.

Неда (*даҳшатда*). Асло!

Небу. Унга нима едирасан... Ўзинг нима ейсан? Мана бу ўтдай сўниб қолади у ҳам.

Ўчоқда ўт милтиллаб ёнмоқда.

Неда. Сўнмайди. (*Шошилинч ўчоқ олдиға ўтириб оловни пулфайди, олов яллиғланади бошлайди.*) Ана, ўтимиз ўчмайди, ёняпти. Мен унга яна мадад бердим.

Небу. Қанчага етар экан, Неда?

Неда. Тилингни тий!

Небу (*қўллари билан юзини беркитади*).  
Лаънати танҳолик... Ёлғизлик ўлимдан ҳам мудҳиш...

Емғир аста томни қамчилай бошлайди. Унинг овозига узоқдаги там-там садолари уланиб кетади. Небу бир дам қулоқ солиб, бошини кўтаради... Там-там садоси тобора яқин. Қоронгиллик ичидан қора танли дўмбирачи чиқиб келади. У Небу ҳузурида тўхтайди.

Қора дўмбирачи. Хўш, Небу, баҳтиングни топдингми?

Небу жим.

Ўйладингки, там-тамлардан қочасан, Небу!  
Ўйладингки, қутуласан барча одамдан!  
Тингла Небу, ҳар томонда гумбирлар там-там!

Там-там жар солади.

Эшиятсанми?

Дўмбирапар гумбурлашиб чақирап тинмай,  
Бу — Африка! Бу дўмбира — негр овози.  
Қон-қонига сингиб кетган ҳар бир негрнинг.  
Кўкрагида узиб бўлмас қалқондай ўсган!  
Сен-чи, Небу, шу там-тамдан қочмоқ истайсан.

Сен бир ўзинг якка-ёлғиз қолмоқчимисан?  
Ана эшиит, ҳар томонда қўзғалди негр,  
Қора танли оғайнилар, опа-сингиллар...  
Шу тўғрида жар солмоқда там-тамлар, Небу!

Небу кескин ўрнидан туради.

Небу. Дўмбирапар тақиrlаяпти, унинг овози бағримни тилка-тилка қилади. Юрагимга ғулғула солади. Мен бораман.

Неда. Йўқ! Қўймайман.

Небу. Мен одамлар олдига бораман,  
Неда. Мен уларга дурдонани сотиб қайтиб келаман. Сизларга овқат олиб келаман.

Неда. Йўқ, Небу, сени ўлдиришади.  
Қоралар сени тутиб беришади, оқлар эса дурдонангни олиб, ўзингни қиймалаб ташлайди, қўймайман сени!

Небу. Агар мен бормасам боламиз очликдан ўлади, ахир.

Неда. Йўқ!

Жимлик. Неда изтиробда. Бола йиглайди. Неда қўлинни узатиб.

Дурдонани менга бер. (*Небу дурдонани унинг кафтига солади.*) Мен бораман.

Небу. Сен хотин кишисан, Неда!

Неда. Ҳа, мен аёлман. Абжир ва айёр аёлман. Мени ҳеч ким таний олмайди.

Небу. Йўқ, бормайсан!

Неда. Бораман! Боришим керак, Небу!  
Агар сен борсанг, у одамлар қўлидан омон қайтмайсан, мен сендан жудо бўлишни хоҳламайман.

Небу. Мен сени юбормайман, хотин!

Неда

Ижозат берасан, менинг суюклим,  
Ишонгил, дам ўтмай қайтаман яна.  
Ахир, сенинг билан қолади ўғлим,  
Келаман... сен ўйла, борми жаҳонда  
Фарзанди ёнига қайтмаган она?!

Она талпинаркан фарзанд қошига  
Ҳеч бир куч, ҳеч нарса бўлолмайди ғов!  
Рухсат бер, жонгинам, суюклим, Небу!

Қора дўм бирачи. Йўлини тўсма,  
Небу! Бу аёл эътиқодли аёл, қўй, уриниб  
кўрсин!

Небу турган жойида қимиirlамайди. Неда унга болани  
узатади.

Неда. Боришим керак! Хонадонимиз ўти ёнига, сенинг ёнингга албатта қайтиб келаман!

Неда кетади. Қоронгилик ичидаги бўлади. Томга ёғаётган ёмғир овози эшишилади, Неданинг тобора узоқлашаётган қўшиғи.

Шамол билан ой нури  
Ўйнар тун қучоғида.  
Келаман, кўнглим дури,  
Дилинг кутган чоғида.

Қимсасиз йўлда танҳо,  
Қетдим кулфатни олиб...  
Қайтаман, севикли ёр,  
Ишқинг қалбимга солиб...

Қўшиқ тинади. Небу қўлида бола билан ҳаракатсиз турибди. Ёмғир ҳамон қуяди. Қора дўмбирачи саҳна олдига чиқади.

Саҳна олди.

Дўмбирачи сўзлайди, сўз давомида денгиз қирғоғида майхона—бар пайдо бўлади, дўмбирачи айтәётганлари томошибинларга кўриниб туради.

### Қора дўмбирачи

Қора тўлқинларни қувлайди шамол,  
Тўлқинлар кўпиклар сочади оппоқ.  
Фонус чайқалади сочиб учқунлар,  
Учқунлар гўёки сўнувчи чақмоқ.  
Соҳилда майхона, столлар... шиша.  
Шишалар... шишалар... ва стаканлар.  
Пичоқлар ярқирар... тамаки дуди  
Ичра қичқиради бадмаст биттаси.  
Бирор оғушида қандайдир аёл  
Итоаткорона, аянч инграйди.

Кўксига кўк нақшлар солувчи эркак  
Бақириб зорланар азоб дардида.  
Қичқирап ҳижрондан, мардлик, шавкатдан.  
Ёт портлар қиссасин сўйлар бақириб.  
Қоралар, оқ, сариқ, бошқа танлилар  
Ватани, ватансиз, нонли, нонсизлар  
Тер босиб ўтирас. Дарбадарларми?  
Сарсонлар! Оддий бир денгиз одами.  
Бири соққа ташлар стол устига,  
Бошқаси кир эски карта сузади.  
Столлар, курсилар, сонсиз шишалар  
Шишалар, шишалар ва стаканлар.  
Хўжайнин ўтирас қовоқ солиб, жим.  
Ҳаммаёқни босган туз билан ғурбат.  
Ҳаммаёқни тутган эҳтирос ва ҳирс.  
Ҳаммаёқни тутган денгиз нафаси  
Ҳаммаёқ мудрайди даҳшат ичиди...

Дўмбирачи қоронгиликда ғойиб бўлади. Денгиз соҳи-  
лидаги майхона. Қора танили денигизчи бочка  
устида тебраниб ўтириб қўшиқ айтади.

Денгиз.  
Шамол.  
Чайқалиш.

Чайқарди,  
Чайқарди,  
Чайқарди ёмон.  
Қадрдон соҳил йироқ,  
Пешонамда нелар бор?  
Денгиз қилади хароб.  
Бизни куйдирап офтоб!  
Мен қораман, қоп-қора,  
Қоп-қорага баҳт қайдада?  
Баҳтми? Денгиз қаърида!

Денгиз.  
Шамол,  
Чайқалиш,  
Хелло-хиллоҳи...  
Чайқарди,  
Чайқарди,  
Чайқарди ёмон.  
Ёт соҳил туман ичра,  
Нелар бор пешонамда.  
Бошда бегона осмон.  
Мен қора, қора инсон,  
Қоп-қорага баҳт қайда?  
Баҳтинг қайда, э қора!  
Баҳтми? Денгиз қаърида!

Майхонада фақат денгизчилар. Бир стол ёнида жулдур кийимли бир киши ўтирипти. Бошини қўллари орқасига тиқиб ухлаяпти.

Неда киради. У атрофга таҳликали назар ташлайди ва бир қарорга келгандай майхона хўжайнин олдига боради.

Хўжайнин. Сенга нима керак бўлиб қолди? (Неда жим.) Иш қидириб келдингми?

Неда. Ҳа.

Хўжайнин. Қўлингдан нима келади?

Неда. Ҳамма нарса.

Хўжайнин. Майли, қабул қилдим. Ёлизмисан?

Неда. Ҳа.

Хўжайнин. Чиройли қиз экансан... Идиш ювасан-да.

Неда. Майли.

Хўжайнин. Э чиройли қиз-э, ишга кираман дегин!

Неда. Ишлашини хоҳлайман.

Хўжайнин. Овқат бераман, холос. Пул тўламайман. Хоҳлайсанми?

Н е д а . М айли.

Х ў ж а й и н . Б ўлмасам, бошла ишни.  
Анави стаканларни йифишириб юв. Ҳа, ни-  
мага қараб турибсан?

Н е д а . Қ орним оч.

Х ў ж а й и н . Аввал ишла... Стаканларни  
йифиб анави ёққа олиб кир.

Неда стаканларни йифиб, ичкарига кириб кетади.

О қ сочли н е г р ... Бепоён далалар, ҳо-  
силдор водийлар, олтин буғдојзорлар қани?  
Тош, тош, ҳаммаёқ тош.

О қ д е н г и з ч и (хиргойи қилиб).

Мен далада учратдим бир кун

Оташ нигоҳ соҳибжамолни...

О қ сочли н е г р . Баланд хурмо дарахт-  
лари орасидаги кулбаларимиз қайда? Вайро-  
на. Вайрона бўлди.

Қ ора д е н г и з ч и . Менинг уйим ҳам  
йўқ, меҳрибонларим ҳам. Булут-булут пода-  
лар ўтлаб юрган биёбон яйловлар қани?  
Тош. Тош, ҳаммаёқ тош.

О қ д е н г и з ч и . Менга қара, йигит, се-  
нинг уйинг қаер?

Қ ора д е н г и з ч и . Менинг уйимми? Ме-  
нинг уйим йўқ.

О қ сочли н е г р . Хурмачалар тўла сут-  
лар қани! Ҳеч нарса йўқ. Қуюқ ўтзорлар  
қани-я! Ҳаммаёқ тош, тош, тош-ку!

Қ ора д е н г и з ч и . Менинг уйимга сенга  
ўхшаган оқ танлилар ўт қўйган.

О қ д е н г и з ч и .

Менга ўхшамаганлар қўйган.  
(Хиргойи қилади.)

Мен далада учратдим бир кун  
Оташ нигоҳ соҳибжамолни...

Оқ сочи негр. Қадимги қонунларнинг  
донолиги қани? Қўкка совурилди, кўкка.  
Ҳамма ялангликлар бизники! Ҳамма тоғ-тош-  
лар бизники. Қонун бўйича ҳаммаси бизни-  
ки! Дарёлар ҳам! Ўрмонлар ҳам! Жонвор-  
лар ҳам!

Қора негр. Йўқ менинг уйим. Менинг  
уйим ҳам йўқ, меҳрибоним ҳам! Бегона юрт-  
ларда саргардон ўлиб кетаман.

(Хиргойи қиласи.)

Мен қораман, қоп-қора  
Мен қорага баҳт қайдা?  
Баҳтинг қайдা, э қора?  
Баҳтми, денгиз қаърида!

Столлар орқасидаги әшикдан Неда чиқади ва хўжа-  
йиннинг олдига келади.

Хўжайин, Ҳа?  
Неда. Ҳаммасини бажариб қўйдим.  
Хўжайин. Тез-тез! Ана шишаларни йи-  
фишириб ол.  
Неда. Озроқ овқат бергин.  
Хўжайин. Шишаларни йишиштир.

Неда, шишаларни йишириб, кириб кетади. Жулдур  
кийимдаги киши энди икки қўли билан бошини ушлаб  
ўтирипти.

Оқ денгизчи. Виски!  
Қора денгизчи. Ром!  
Оқ денгизчи. Виски!

Хўжайн олиб келиб тутади.

Оқ сочли негр. Менга бироннинг раҳми келса-чи... менинг елкаларим ва қўлларим соғиниб қолган милтиқни ато этса-чи... у менга қудрат бағишлайди.

Неда яна пайдо бўлади ва хўжайин олдида тўхтайди.

Хўжайн (бармоғини ўқталиб). Шишалар, ана шиша, ана стаканлар, йиғуларни!

Неда ҳаммасини йигади.

Оқ сочли негр. Оқ танлилар бу ерга келиб, нуқул ўз юртларининг бойлигини мақтайдилар. Нимага энди бу масҳаралаб, таҳқирлаб ташланганлари — мамлакатимизни ўзимизга қолдириб жўнаб қолмайдилар.

Неда денгизчилар ўтирган стол устидаги шишаларни йигишира бошлайди.

Оқ денгизчи. Чиройли қиз экансан.  
(Недани қучоқлаб, хиргойи қиласди.)

Мен далада учратдим бир кун  
Оташ нигоҳ соҳибжамолни...

Неда унинг қучогидан юлқиниб чиқади.

Э, яхши қиз, келинг, биз билан ичинг!

Неда шишаларни йигиб кетади.  
Жуда такаббур-ку?!

Оқ сочли негр. Негрлар бамисоли кўкат. Босиб ўтсанг ётиб қоладиую яна дарров кўтарилади.

Қора денгизчи. Қани, сен менга айтчи, оқлар бизни таҳқирламоқчи бўлсалар, нега мазах қилиб куладилар. Биз жирафа ёки маймун эмасмиз-ку?

Оқ денгизчи. Ҳамма оқ танлилар ҳам бир эмас.

Оқ сочли негр. Оқ танлилар мисоли қоплон. Йиртқичларнинг энг хашакиси. Уларни на ўрмоннинг, на саҳронинг подшоси деб бўлади. Яшириниб туриб, устингга ташланишади, мажруҳ ва заифларни ўлдиришади.

Оқ денгизчи. Ҳамма оқлар ҳам бир эмас.

Оқ сочли негр. Оқ танлилар пичоқ келиб бўғизларига тақалгандагина яхши одам бўлиб қоладилар.

Қора денгизчи. Нима, ҳамма оқ танлилар ҳам қоралардан нафратланадиларми?

Оқ денгизчи. Йўқ.

Қора денгизчи. Нега улар жим қараб турадилар.

Оқ денгизчи. Бугун уларнинг овозларини бўғиб турнтилар, лекин эртага улар ҳам баралла гапирадиган бўладилар.

Қора денгизчи. Бизга бошқаларнинг юрти керак эмас, бизнинг юртга келганлар ҳам одат ва қонунимизни ҳурмат қилисинлар, бўлмаса, табиат шамолига бош эгмаган дарахтларни қандай қўпориб ташласа, биз ҳам уларни шундай яксон қилиб ташлаймиз.

Хўжайн. Овозингни ўчир, чол! Сен бошимга бир балони бошлайсан. Деворнинг ҳам қулоғи бор! (*Бошларини ушлаб қимирламай ўтирган жулдур кийимлига ишора қиласди.*)

Қора денгизчи. Бу қоралардан...

Оқ сочли негр. Қораларнинг ҳам ҳар хили бор.

Оқ денгизчи. Оқларнинг ҳам ҳар хили бор.

Қора денгизчи. Ром!

Оқ денгизчи. Виски!

Оқ сочли денгизчи (*секин*). Ҳаммамиз бир ёқадан бош чиқарадиган вақт келди. Ҳамма қоралар... Ҳамма қоралар оғанини, опа-сингил.

Қора денгизчи. Лекин бир ириган банан бутун шохни чиритади.

(*Үтирганга ишора қиласди.*) Виски!

Оқ денгизчи. Виски!

Хўжайин келтиради. Неда кириб, хўжайин олдида тўхтайди.

Хўжайин. Ҳа?

Неда. Озроқ овқат бергин, кейин мен кетай.

Хўжайин. Ишлашни хоҳламайсанми?

Неда. Озроқ овқат бер, ахир, мен қайтиб келаман.

Хўжайин. Йўқол! Ҳали ишламасдан туриб...

Неда. Озгина овқат бергин... дарров қайтиб келаман, кейин ҳамма айтганингни қиласман.

Хўжайин. Йўқол, йўқол!

Неда. Кетмайман! Овқат бер менга!

Хўжайин. Йўқол деяпман!

Неда. Овқат, овқат бер, тезроқ!

Хўжайин. Улоқтириб ташлайми, йўқол!

Қўлидан силтаб эшик олдига олиб боради, Неда унинг қўлидан чиқмоқчи бўлади.

Оқ денгизчи. Қўй ўз ҳолига қизни.

Хўжайин. Сенинг ишинг бўлмасин, аралашма!

Недани тортқилайди. Оқ денгизчи келиб хўжайнини бўйнидан бўгиб йиқитади. Неда бурчакка биқинади.

Энди мудроқ кўзлағини очиб муштлашишни кузатаётган жулдур кийимли одам — Бир кўз эди. У Недани таниб яширинади. Хўжайин фиқ этмай ётипти.

Оқ денгизчи унинг устига эгилади.

Оқ денгизчи. Сув берайми? (*Сув ичиради.*) Бир оз дурустмисан?

Хўжайн. (*Аранг ўрнидан туриб*). Мени ўлдирмоқчи эдингми?

Оқ денгизчи. Аёл оч.

Хўжайн. Ҳамма очларни мен тўйдиролмайман.

Оқ денгизчи. Тўғри айтасан.

Хўжайн. Раҳмат, қўйвора қолинг.

Оқ денгизчи. Энди дурустмисан?

Хўжайн. Кекирдагим оғрияпти... Ҳечқиси йўқ, тузалиб кетади.

Оқ денгизчи. Бўлмаса биз кетаверамиз.

Хўжайн. Бораверинглар, кетганларинг яхшироқ.

Оқ денгизчи. Кечир мени!

Хўжайн. Ҳа, ҳечқиси йўқ.

Оқ денгизчи. Юринглар, йигитлар.

Кетишга йўл олади, орқасидан оқ танил денгизчилар юришади. Оқ денгизчи кета туриб Неданинг олдида тўхтайди, қизга пул узатади.

Ол. (*Хўжайнга.*) Унга овқат бер, есин.

Кетади. Ташқаридан унинг қўшиғи эши билади.

«Мен далада учратдим бир кун,  
Оташ нигоҳ соҳибжамолни...»

Қўшиқ тиниб, жимлик чўкади.

Қора денгизчи. Оқ танлилар ҳам ҳар хил бўлади...

Неда пулни хўжайинга узатади. Хўжайн унга икки банка консерва беради.

Н е д а . Бу жуда оз-ку...

Х ў ж а й и н . К ёп беролмайман. Пулига яраша.

Биркўз бир чеккада писиб ўтириб, ҳаммасини диққат билан кузатиб боради, узоқда там-там садо беради, негрлар қулоқ солишади.

О қ сочли негр. Там-там садолари...

Қ о р а д е н г и з ч и . Нима дейишияпти?

О қ сочли негр. Чақиришияпти.

Қ о р а д е н г и з ч и . Сен дўмбирадарнинг тилига тушунасанми?

О қ сочли негр. Ҳа.

Қ о р а д е н г и з ч и . Нима дейишияпти?

О қ сочли негр. Улар ҳамма негрлар бир ёқадан бош чиқаришсиз дейишияпти. Курашиш пайти етди дейишияпти.

Там-там садолари тобора баландроқ жаранглайди.

Юринглар, бизни кутишияпти, юринглар!

Там-там садолари жар солади. О қ сочли негр эшикка йўл олади, орқасидан қ о р а д е н г и з ч и л а р . Майхона бўм-бўш. Хўжайн етол орқасида. Биркўз қоронғиликка яширган. Неда бир оз ўйлаб тургандан кейин қўйнидан дурдонани олиб, кафтида хўжайнга узатади. Там-там садолари пасайиб бориб, денгиз тўлқинининг шовуллаши эшитилади.

Х ў ж а й и н . Бу нима?

Н е д а . Дурдона.

Х ў ж а й и н . Дурдона?.. (*Ҳайратда.*) Дурдона?.. (*Диққат билан кўздан кечиради.*) Ҳа... Дурдона! (*Недага ҳадиксираб тикилади.*) Сен буни қаердан олдинг?

Н е д а . Ўзимники.

Х ў ж а й и н. Ўғирлаб олгансан!

Н е д а. Йўқ, ўзимники.

Х ў ж а й и н. Сеникими? (Завқ билан дурданани томоша қиласди ва ғўнгиллайди.) Ажоийб экан... Мен ҳали бунақасини кўрган эмасман. Нақ чағалоқнинг тухумидай-а!.. Сотмоқчимисан?

Н е д а. Ҳа.

Х ў ж а й и н. Қанчага сотмоқчисан?

Н е д а. Овқат... Кўп овқат керак менга.

Х ў ж а й и н. Нима хоҳласанг шуни берам дурдонангга.

Қоронгиликдан Бир кўз чиқиб бир сакраб Неда ёнига келади. Неда қичқириб юбориб, дурдонани маҳкам муштумига қисиб, саҳна олдига ўтади. Бир кузунинг орқасидан келади. Майхона хўжайини ҳеч нарсага тушунмай саросимада.

Хўш, сизга йўл бўлсин, хоним?

Қоронгилик. Саҳна олдида Неда ва Биркўз жим туришилти.

Н е д а. Нега менга қарайсан?

Бир кўз. Сени кўпдан бери кўрмаган әдим.

Н е д а. Йўқол!

Бир кўз. Нега энди?

Н е д а. Бўлмаса мен кетаман, қўй мени!

Бир кўз. Йўқ, сен энди ҳеч қаёққа кетолмайсан.

Н е д а. Йўлнимни тўсма, дейман!

Бир кўз. Сен Небуни чакалакзор ўрмонга олиб кетдинг, мен изингизни йўқотиб қўйдим, шунинг учун мени ишдан ҳайдашди, худди сасиган бандай улоқтиришди. Очдан ўлмаслик учун қораларнинг нима тўғрисида гаплашаётганларини зидан эшишиб оладиган бўлдим.

**Н е д а.** Яна сотқинлик йўлига кирибсан-да,  
сени ўлдириш керак экан.

**Б и р к ў з.** Ҳа... Там-тамларнинг нима дея-  
ётганини зимдан эшитиб оладиган ва оқ тан-  
лиларга еткизадиган бўлдим.

**Н е д а.** Сени ўлдирмоқ керак!

**Б и р к ў з.** Ҳа... (*Секин кулади.*) Бир кун  
келиб сизлар чакалакзордан чиқишингизни би-  
лардим... Мен билардим! Мана шу кун келди.  
Энди мен ўз баҳт қушимни учириб юбормай-  
ман! Мен бир вақтлар жуда бой одам эдим...  
Бир вақтлар мен жасоратли аскар эдим... Сен  
мен қабила доҳийсининг ўғли эканимни била-  
санми? Менинг отам оқ танлиларга бўйсуниш-  
ни истарди, уни ҳалок қилишди... Оқлар куч-  
ли... Шунинг учун мен уларга хизмат қила  
бошладим... Лекин энди иш бошқача бўлади!  
Сен менга дурдонани берасан, мен яна бой  
одам бўлиб кетаман. Оқлар мени ҳурмат қила-  
диган, қоралар қўрқадиган бўлишади. (*Яна  
товушсиз кулади.*) Сен менга дурдонани бера-  
сан. Ӯшандагина мен Небу изидан юрмайди-  
ган бўламан.

**Н е д а.** Йўқ, дурдона Небуники!

**Б и р к ў з.** Бер уни менга! Бер деяпман,  
сенга.

**Н е д а.** Йўқ!

**Б и р к ў з.** Бари бир тортиб оламан!

Недага ташланади. Неда унинг қўлини тишлайди.  
Биркўз қичқириб Недани қўйиб юборади. Неда қочиб  
кетади.

Яхши... Мен изингдан бораман. Оқларни  
бирга олиб бораман... Мен Небуни топаман...  
Унинг қўлидан дурдонани ситиб олиб, ўзини

оқларнинг нафратига топшираман. О, дурдона... дурдона! Мен, албатта, сенинг изингдан бораман, аёл!

Неда қочиб кетган томонга югуради. Қоронғилик. Хурмо дараҳти ёнида кулба. Небу ҳамон қўлида бола билан ўтирипти. Бола чинқириб йиғлайди. Ёмғир шариллаб қўйиб турибди. Олов ҳамон милтиллаб ёнмоқда.

### Небу

Ёмғир, ёмғир,  
Фақат ёмғир, бўшлиқ атрофинг.  
Атрофингда ҳеч нарса йўқ ёмғирдан ўзга  
Йўқ, кечаги кунинг ҳам йўқ,  
Бўлурми эрта?

Ҳеч ким билмас. Неда... Недам, сен қайда  
Неда?

Қўрқув босиб баданларим музлаб бормоқда.  
Ёмғир каби сирғалмоқда елкамда даҳшат.  
Неда, сендан қўрқяпман! Бормисан тирик?  
Фарзандимиз йиғламоқда, қулоқ сол, Неда!  
Эшит, Неда! Ёмғир, ҳамон қуяди ёмғир,  
Ёмғир... Неда, ўчоқдаги олов ўчмоқда!

Бола йиғлайди.

Биз сўқмоқда икков қолдик, ўғлим, йиғлама,  
Ойинг келар... ўғлим йиғлама. Бас қил!  
Эркак киши йиғламайди! Ёмғир... Ёмғир,  
Сен қайда, Неда?

Неда. Мен... мен келдим. Мен шу ерда,  
мен...

Неда гандираклаб аранг оёғида турипти. Қийимлари бурда-бурда бўлиб кетган. Унинг қўлларидан консерва банкалари гурсиллаб ерга тушади. Неда Небу томонга бир-икки қадам ташлайди... Кейин отилиб унинг қўлидан болани олиб бағрига босади. Боланинг ҳамма ерларини пайпаслаб кўради. Эркалайди. Бола шу замон овунади.

Менинг Небугинам, кичик Небугинам!  
Менинг ўғилгинам... қоронғи тунларимнинг  
чироққинаси.

Небу консерваларни кўздан кечиради.

Небу. Ҳаммаси шуми?  
Неда. Шу.  
Небу. Бутун бошли дурдонага-я?  
Неда (*дурдонани унга узатади*). Ма...  
Ол. У бошимизга битган бало бўлди.  
Небу. Нима бўлди?  
Неда. Биркўз ўша ерда экан... мени таниди... Дурдонани тортиб олмоқчи бўлди... Бермадим... Қўлидан зўрга қочиб қутулдиму... Югуриб бу ерга келдим. Улоқтири у дурдонани, Небу!  
Небу. Йўқ. (*Дурдонани яширади*.)  
Неда. Йўқот уни.  
Небу. Йўқ, у меники!

Сукутда ўтиришади. Ёмғир қуяверади. Бола йиглайди.  
Неда уни эмизади.

Неда. Кўкрагимда сут йўқ... У қонимни сўряпти.

Небу жим. Кўзларидан ёш тирқирайди. Неда бошини кўтариб Небуга тикилади.

Йиғлаяпсанми, Небу! Йиғлама! Эркаклар йиғламайдилар, Небу!

Небу. Бу кўз ёшларимас... ёмғир томчилари...

Неда. Кўряпман-ку... Йиғлаяпсан!

Небу. Ҳа, бу занфлик аломати.

Бу кўз ёшлардан ўзим ҳам номус қиласман.

Ёмғирнинг шариллаши товушига там-там садолари  
қўшилади.

Там-там садо бермоқда. Эшитяпсанми,  
Неда?

Неда. Нима ҳақида жар солишаپти?

Небу (*Там-там садоси оҳангида унинг  
сўзларини таржима қилгандай*).

Зудликда қочинглар, яширининглар,  
Изингиздан келмоқда оқлар,  
Қочинглар, қочинглар, тезроқ қочинглар.

Неда. Биркўз уларни менинг орқамдан  
бошлаб келяпти...

Там-там жар солади.

Небу. Қочинглар... Қочинглар!.. Ҳа, қочиш  
керак!

Неда. Қаёққа қочамиз?

Неду. Қатта йўл билан.

Неда. Йўл қаёққа олиб боради?

Небу. Ҳаётга... Ҳар қандай йўл ҳаётга  
олиб боради. Ҳар қандай йўл одамлар ораси-  
га олиб боради. Биз одамлар орасига қайта-  
миз. Улар бизни ҳимояга олишади. Юр, Неда!

Неда ўрнидан туради. Ўчоқдаги олов ўчган.

Неда. Ўчоқдаги ўтнимиз ҳам сўнди...

Небу. Оиламизнинг чироғи ўчди.

Биз бошқаларнинг гулханлари ёнига.

Ўз катта гулханимизни ёқамиз... юр, Неда!

Улар жўнайдилар Итларнинг акиллаши борган сари  
авжга чиқади. Қоронгилик.

Қамишзор. Икки кишининг оғир ҳарсиллаши эшитилади. Итлар ҳуради. Қамишнинг учидаги попуклари тебранади, қуруқ қамишлар шитирлайди. Небу қўринади. У қўлида Неда билан боласини кўтарган. Тўхтайди.

Неда. Мени ерга қўй, Небу, чарчаб кетдинг!

Небу. Бўлмайди... Юриш керак... Улар яқинлашиб қолишли.

Неда. Мени ерга қўй деяпман, эшитдингми?

Небу. Бўлмайди!

Неда. Чарчадинг ахир, бор кучингдан айрилдинг.

Небу. Йўлга чиққан одам юриши керак.

Етиб бориши учун юриши керак.

Неда. Қўй мени ерга... Мен ўзим юраман...  
Урмалаб бўлса ҳам етиб бораман.

Небу. Йўқ, бўлмайди.

Неда. Қўй, дейман, сенга, биз борайлик.

Мушукка ўхшаб Небуни тимдалаб унинг қўлидан тушмоқчи бўлади, кўкракларига муштлайди.

Небу. Йўқ... Неда, жонгинам, бўлмайди!

Улар бир ерга йиқилишади. Оғир нафас олиб қимирламай ётишади. Бола йиғлайди.

Неда. Жим... жим менинг кичкинам Небу.

Улим яқинлашиб келмоқда... жим  
бўл!

Жим бўл, шўрликкинам йиғлама!

Жим, жим.

Боланинг оғзини қўли билан бекитади.

Қамишзорлар ичига кириб,  
Яширинамиз, тополмас ҳеч ким.

Итларнинг акиллаши узоқлашади.

Эшитяпсанми, Небу, улар бизнинг изимиизга тушолмадилар.

Небу қулоқ солади. Кейин диққат билан ҳавони ҳидлайди.

Н е б у. Бу нимаси?

Н е д а. Нима?

Н е б у. Дуд, тутун ҳиди.

Н е д а. Демак яқин ерда хонадонлар бор.

Н е б у. Билмайман, Неда, (*Осмонга қараайди*) Қандайдир ғалати булут.

Н е д а. Рост айтасан!

Н е б у. Ёмғир булутига ўхшамайди.

Н е д а. Ўхшамайди, Небу. Нима бўлиши мумкин?

Н е б у. Ёнғин... Қаердадир ўт қўйишган.

Бўғиқ овозлар. Небу қулоғини ерга қўйиб тинглайди.

Н е б у. Оҳулар безовта чопишаپти.

Н е д а. Нима дегани бу?

Н е б у. Қамишзорга ўт қўйилган.

Н е д а. О, худойим-еј!

Н е б у. Тутун ҳамон юқорига буруқсаяпти,  
Небу, қуёш юзини булут тўсиб қўйди.

Н е д а. Болагинам! Небу!

Н е б у. Олов! Ҳаммаёқда олов. Унинг тиллари еру осмонни ялаб кетяпти.

Н е д а. Тезроқ! Тезроқ юр, қочамиз!

Аранг турадилар. Бирдан хириллаган кулги эштилади.  
Қамишлар орасини йириб Биркўз бошини чиқариб туритпи. Сарғайиб кетган тишларини тиржайтириб, кулади. Хахолайди. Хахолаши ҳамма овозни босиб кетади.

Биркүз. Ҳа, Небу, бунча менга тикиласан? Қўрмаганингга кўп бўлди-а?

Мана мен. Келдим.

Не бу. Қоч йўлдан!

### Биркүз

Йўқ, йўқ,

Йўлларимиз туташди энди,

Мендан қочиб қайга борасан.

Дурдонани менга бер энди,

Эвазига тирик қоласан.

Битта дурга — бутун бир ҳаёт

Арzon сотиб олдинг ҳаётни...

Неда. Бер унга, Небу, бер!

Биркүз. Бер, буёққа! Кейин мен оқларни бошқа йўлдан олиб кетаман.

Неда. Бер, Небу!

Не бу (*Иккиланиб туради, кейин дурдонани Биркўзга отади*). Ол. (*Биркўз дурдонани илиб олиб, очкўзлик билан уни кўздан кечиради*.)

Биркүз. Ўша, худди ўшанинг ўзи. (*Яна хаҳолаб кулади*.) Энди меники бўлди. Меники, меники!..

Не бу. Ҳа, у — сеники бўлди энди. Сен унга эга бўлишни жуда истардинг. Бой бўлишни истар эдинг, Биркўз. Энди баҳтиёрмисан?

Биркүз. Ҳа, жудаям!

Не бу (*пичоқни қўлидан олиб*). Бўлмаса энди ўл!

У Биркўзга ташланади. Кураш. Иккиси олиша-олиша қамишзор ичига кириб кетади. Қамишлар шитирлаб тебранади. Қимнингдир хириллаши, кейин инграгани эшитилади.

**Н е д а (даҳшат ичида чинқиради). Небу!  
Менинг Небуим! (Йиглайди.)**

Ҳаммаёқ қизил рангга киради. Қамишзорни аланга олади, аланга ичидан қўлида пичоқ билан Небу чиқади.

**Н е б у. Энди у бахтиёр. У қамишзорда лаънати дурдонани қисимлаб, осмонга қараб ётипти. (Пичогига қарайди.)**

Ота-боболардан қолган мерос бу,  
Бегуноҳ бироннинг тўкмаган қонин.  
Бахтга интилганинг йўлини тўғсан  
Ҳар кимга қақшатғич зарба берар у.

Яна яқин ерда итлар ҳуради, отишмалар. Небу  
Неда билан боласини қўлига олади.

**Қишлоқ яқин қолди, Неда,  
Одамлар кутмоқда... кетдик илгари**

Чакалакзорлар ичида ғойиб бўлишади. Қамишзор ёнади. Ўрмонга ўт кетган. Отишмалар ва итларнинг акиллашлари авжга чиққан. Қоронгилик. Яна чакалакзор. Фақат бу аввалги эмас. Ёнаётган қамишзор четда қолган... Итларнинг акиллашлари даҳшатли даражада янада авжга чиқади... Қамишзорлар ичидан эмаклаб. Неда чиқиб келади. Бир қўли билан боласини бағрига босган, иккинчиси билан кучсизланган Небуни тортиб чиқапти. Неда беҳол бўлиб муккаси билан ерга йиқилади... Бола йиглайди. Неда бўғиқ, заиф овоз билан дейди.

**Н е д а. Жим! Жим! Жим!**

Бола жим бўлади. Бир неча муддат Неда Небунинг ёнида ҳаракатсиз ётади. Небу дармонга киради.

**Н е б у. Ҳаёт кўршапалакдай учиб ўтди.  
Үёқ-буёққа қарагунингча — йўқ!**

**Н е д а. Гапирма!**

**Н е б у. Қуёш ботиши билан тана музлайди.**

Н е д а . Сен яшайсан, яшашинг керак...  
Ундай дема!

### Н е б у

Үлар сени қучган бу қўллар,  
Үлар кезган бу оёқларим.  
Юрак тўхтар энди уришдан,  
Бугун бизнинг учун сўнгги тун,  
Кундуз олиб кетади нари.

### Н е д а

Ундай дема! Шукур! Нафас олиб турибсан,

### Н е б у!

Наҳот, эшитмайсан нафасинг,  
«Яшаш, яшаш» такрорлар қалбинг.

### Н е б у.

Доим, қалбим... тунлар там-тами,  
Умринг битди деса уради тинмай.  
Ҳаммасини унут, азизим Неда.  
Янги ҳаёт бошла қайтадан.

### Н е д а

Унутишга ҳақлимас инсон.  
Жим бўл, жим бўл, албат яшайсан.

### Н е б у

Қайғу-аламингни қўйдирсин қуёш.  
Қумлар бўйлаб олға қараб юр!  
Ўрмонларни босиб-янчиб ўт,  
Олға, олға, шамол қулатган,  
Дараҳтлардан ўтиб олға юр!  
Инсонлар ичига топасан сен йўл.

Неда. Сен борасан менинг ёнимда.

Небу. Йўқ, Неда. Йўқ, кўзим тинмоқда,  
сен қайдасан.

Неда. Мен шу ерда... Мен ёнингда... бир  
умр сен-ла.

## Небу

Ўлим, унутилиш... йўқлик демакдир.  
Абадий сукунат... тириклик — тамом.  
Ҳаётим битди, менинг суюкли Недам!  
Энди сен ўз йўлингдан менсиз бораверасан,  
Қайрилмасдан бораверасан.  
Энди сенда бошқа Небу бор... Ўғлимиз Небу.

Неда. Ҳа, бизнинг ўғлимиз.

Небу. Сиз иккингиз бирга-бирга янги  
туғилаётган ҳаётга, тонгга қараб борасиз.  
Танҳоликнинг қорнида нималар яшириниши-  
ни энди сен ҳам биласан!

Неда. Биламан.

Небу. Инсон танҳоликда яшай олмасли-  
гини энди сен ҳам биласан!

Неда. Биламан.

Небу. Энди олға қараб менсиз боравер.

Неда. Йўқ. Сен ҳаммавақт мен билан  
биргасан. Худди қўшиқ сингари, там-тамнинг  
чорловчи садолари сингари, там-там садола-  
рини қўллари ва танасининг ажойиб ҳара-  
катлари билан ифода этувчи раққос сингари,  
ерга уруғ сепувчи қўллар сингари, ернинг  
қоқ юракларига ботиб кетадиган оёқ товон-  
лари сингари ва там-тамнинг чарм сатҳига  
тинмай уриб турувчи таёқчалари сингари  
ҳаммавақт мен билан биргасан...

Неда боласини олиб ғойиб бўлади.

Небу. Мен ҳеч нарсани кўрмаяпман,  
Неда, сен қаёқдасан? Овозингни ҳам эшиитма-  
япман. Сукунат, сукунат... сукунат...

Бирдан сукунат босди, тинди менинг там-та-  
мим,

Атрофимни ўради сукунатнинг ҳалқаси.

Ҳаммаёқда сукунат, сукунат ва сукунат.

Бу қабрда на овоз, на баргларнинг шарпаси.

Менинг там-тамим тинди.

Сукунат ўлим демак, ўлимдан ҳам баттарроқ.

Бу кулфатни тортмоққа тоқатим йўқ, тоқа-  
тим!

Жимлик. Небу қулоқ солади. Жимлика қисқа-қисқа  
дукирлаш эшитилади. Бу Небу юрагининг уриши.

Бу нима? Там-тамнинг садоларими,

Ёки юрак там-там товшидай

Кўкрагимда гумбурлаб урап.

Менинг доҳим, қалбим гумбурлар,

Сукунатнинг даҳшатими бу!

Оҳ, Неда! Ғамларни кул-кул қилувчи,

Иссиқ қўлларингда мен бераман жон,

Гўё буюк заифликсимон...

Недам, бўлсанг менинг ёнимда

Бу бўғувчи ғусса тарқарми,

Ёнимда бўл, жонгинам Неда!

Қоронгиликдан Неда пайдо бўлади. Сочлари оқариб  
кетган. Лекин ўзи ҳамон ёш. Унинг ёнида қадди-  
қомати келишган ўспирин йигит. Ўспирин жуда  
Небуга ўхшайди.

Небу. Менинг Недам! Сен шу ердами-  
сан?

Неда. Мен шу ердаман. Мен — Африка-  
ман! Сенинг онанг — Африка! Там-там садо-  
ларига қулоқ сол! Унда янги ҳаётнинг қуёши

кўтарилиб келмоқда. Мен тонгни кўргандай бўляпман. Менинг овозимга қулоқ сол, Небу!

Там-там садо беради.

Небу (*туришга уриниб*). Эшитяпман, эшитяпман овозингни. Менинг Африкам!

Неда

Эшитяпсанми?

Унда қайноқ шамол нафаси.

Майсаларнинг овози унда.

Денгиз тўлқинининг кучли долфаси.

Фил тўдаси ўтганда, қуруқ

Хазонларнинг шитирлашлари —

Табиатнинг қўшиқларини!

Небу. Эшитяпман, эшитяпман, овозингни, Африка!..

Неда. Қудратли, кучлироқ садо беринг, там-тамлар.

Там-тамлар зарб билан садо беради. Уларнинг садолари Небунинг қалб уриши билан ҳамоҳанг бўлиб кетади.

Небу (*бутун кучни тўплаб азот туради*).  
Қаттиқроқ, кучлироқ гумбурла, там-там!  
Эшитяпман, эшитяпман ғазабга тўлган  
Садоларнинг тинмас зарбини!  
Ана қичқирияти:  
Озодлик, озодлик, озодлик!

Небу йиқилади. Бир дақиқалик қоронғилик. Неда Небунинг жасади устига эгилади. Ўспирин Небу отаси бошига келади. Сукутда бошини эгиб туради.

Аввал оҳиста, кейин баландроқ ура бошлайди дўм-бираларни. Унинг овозини эшигандай Дуэду билан Акко, кейин қора дўм бирачи ва қи шлок дўм бирачиси пайдо бўлишади. Ҳаммаси Небунинг жасади атрофига тўпланишади. Бир неча дақиқа бош эгиб туришади. Кейин секин Дуэду сўз бошлайди.

Дуэду. Бизнинг орамизга жуда кечикиб келдинг, Небу!

Акко. Жуда кечикиб келдинг... Там-тамларнинг садоларини жуда кеч эшигдинг.

Улар жасадни кўтарадилар, саҳна олдига олиб ўтадилар. Бошқалар улар орқасида.  
Саҳна олди.

Қора дўм бирачи.

Там-тамларнинг садолари тропик ўрмон —  
Чакалаклар қалбигача етсин бу замон:  
Мана шундай бўлар унинг товшин баёни:  
Энди негр бош эгмайди, қилмайди тоқат,  
Қора танли оғайнилар — дўстлар, қўзғолинг!  
Олтин конлар қаъридан сиз чиқинг офтобга.  
Баданингиз тошлар тилиб қонатганда ҳам,  
Эмаклаб ҳам, ўрмалаб ҳам чиқинг офтобга.  
Сасиб ётган балчиқлардан чиқинг қуруққа,  
Қамишзорлар водийсининг муте қуллари,  
Кучли қўллар билан яншиб чиқинг қуёшга!  
Дуру гавҳар овловчилар! Сувнинг остидан  
Музлаб-музлаб оқ танлига тердинг совуқ дур!

Энди етар! Озодликнинг ҳаётбахш нури  
Кўксингизни сийпаласин, олинг енгил тин.  
Э қўзғолинг, э қўзғолинг, оға-инилар!

Акко. Халқ кўтарсан бош!  
Қўли, дили кишанланган халқ кўтарсан бош.